

හික්බුජාතිමොක්ඛං

සිංගප්පූරුවේ
බෞද්ධ හා පාලි විද්‍යාලයේ අධ්‍යයන
ආචාර්ය පාතෙගම ඥානාරාම හිමි

සිංගප්පූරුවේ
ධර්මදූත බෞද්ධමධ්‍යස්ථානයේ අධ්‍යයන
ශාස්ත්‍රවේදී කන්දරපංගුවේ ධම්මසිරි හිමි

Dhammaduta Buddhist Centre
No. 11 Lor Bachok
Singapore 387785

පළමුවැනි මුද්‍රණය බු . ව 2552 . ක්‍රි . ව 2008

කවරයේ සැලැස්ම ශාස්ත්‍රවේදී කන්දරපංගුවේ ධම්මසිරි හිමි.

“යො බො ආනන්ද මයා ධම්මො ච විනයො ච දෙසිතො
පඤ්ඤත්තො සො චො මමච්චයෙන සත්ථා’ති”

“අනදයෙනි, මා විසින් යම් දහමෙකුත් විනයෙකුත්
දෙසිණි ද පැණැවිණි ද එය මා ඇවෑමෙන් තොපට
ශාස්තෘ වෙයි.”

දීඝනිකාය පි. 242

Printed and donated for free distribution by
The Corporate Body of the Buddha Educational Foundation
11F., 55 Hang Chow South Road Sec 1, Taipei, Taiwan, R.O.C.

Tel: 886-2-23951198 , Fax: 886-2-23913415

Email: overseas@budaedu.org

Website: <http://www.budaedu.org>

This book is strictly for free distribution, it is not for sale.

නොමිලයේ බෙදාදීම පිණිසයි.

Printed in Taiwan

පටුන

1 සංඥාපනය.....	1
2 ඇවැත් දෙසීම.....	4
3 තෙරුවන් නැමදීම.....	5
4 උපොසථකම්මස්ස පුබ්බකරණ-පුබ්බකිච්චානි	6
5 නිදානං.....	9
6 චත්තාරො පාරාජිකා ධම්මා.....	11
7 තෙරස සංසාදිසෙසා ධම්මා.....	14
8 ද්වෙ අනියතා ධම්මා	20
9 තිංස නිස්සග්ගියා පාවිත්තියා ධම්මා	21
10 ද්වෙනච්චිති පාවිත්තියා ධම්මා	31
11 චත්තාරො පාටිදෙසනීයා ධම්මා.....	49
12 සෙබ්බියා ධම්මා	50
13 සත්ත අධිකරණසමථා ධම්මා.....	60
14 උපග්‍රන්ථය.....	62

සංඥාපනය

හික්ඛු හික්ඛුනී පාතිමොක්ඛ ඔක්ෂාපද අඩංගුවන්නේ විනය පිටකයේ සුන්තවිභංග නමින් හැඳින්වෙන පාරාජික පාලි හා පාවිත්තිය පාලි ග්‍රන්ථ දෙකෙහිය. උපොසථ දිනයෙහි හික්ඛු හික්ඛුණින්ගේ ප්‍රයෝජනය සඳහා ඉතා ඇත යුගයකදී ම එම සිකපද පමණක් සංග්‍රහ කිරීමෙන් හික්ඛු පාතිමොක්ඛයන් හික්ඛුනී පාතිමොක්ඛයන් බිහිවිය. දූතට මුද්‍රණයෙන් බිහි වී ඇති පිටපත් ප්‍රමාණවත් සංඛ්‍යාවක් තුලනාත්මකව පරීක්ෂාවට භාජනය කොට පාඨාන්තර දෝෂයන් හැකිතාක් අඩුකොට මෙම හික්ඛුපාතිමොක්ඛය පිළියෙල කරණ ලදී. මෙය සැකසීමේදී මූලික අරමුණවූයේ ද උපොසථ දින සීමා මාලකයේදී අත්පොතක් වශයෙන් භාවිත කිරීම සඳහා උපයෝගී කරගැනීමට වඩාත් නිවැරදි පාඨග්‍රන්ථයක් පිළියෙල කිරීමය.

විනය නිදානය හා විනය කෙරෙහි ථේරවාද ආචාර්යවරුන් දැක්වූ ගෞරවයත් ගැන බොහෝ උගතුන් විසින් විස්තරාත්මකව ලියා ඇති බැවින් මෙහිදී ඒ ගැන කිසිවක් නොකියමු. 'පාතිමොක්ඛ' යන වචනයට දී ඇති ථේරවාද අර්ථකථනයන් පිළිබඳව සඳහන් කිරීම ම ඊට ප්‍රමාණවත් වේ යයි සිතමු.

බුද්ධසෝෂ හිමියෝ විසුද්ධිමග්ගයේ දී 'පාතිමොක්ඛ' යන වචනය විග්‍රහ කරමින් ඒ තුළ ආරක්ෂා කිරීම හා (ආපායිකාදී දුක්චලිත්) 'මිදවීම' යන අර්ථ ද්වයක් විඳහා දක්වති.¹ දීඝනිකාය අටුවාව එම අර්ථකථනයම සනාථ කරමින් ප්‍රාතිමෝක්ෂ ශීලය 'උත්තම ශීලය' බව ද දක්වති.² මෙම අර්ථකථනයම තවත් උද්දීපනය කරමින් ධම්මපද අටුවාව එය 'ජ්‍යෙෂ්ඨ ශීලය' නමින් හඳුන්වයි.³

මිල්ඩන් බර්ග්, "එහි දක්වා ඇති පව්වලින් මිදීම." යන අර්ථය ඊට දෙන නමුත් එම සංකල්පය බුදු දහමට නුහුරු එකකි.⁴ සුකුමාර් ඩට් පැවසුවේ "ශාක්‍ය පුත්‍ර ශ්‍රමණයන් එකට බැඳ තබන බන්ධනයක්" ලෙස පාතිමොක්ඛ යන්න සැලකිය යුතු බවය.⁵

¹ 'පාති රක්ඛති තං මොක්ඛෙති මොවෙති ආපායිකාදීහි දුක්ඛෙහි තස්මා පාතිමොක්ඛන්ති චුච්චති - විසුද්ධි මග්ග, බුද්ධදත්ත සංස්කරණය පි. 12.
² "පාතිමොක්ඛෙති යං තං පා-අතිමොක්ඛං, අතිපමොක්ඛං, උත්තම ශීලං, පාති වා අගති විසෙසෙහි මොක්ඛෙති දුග්ගතිභයෙහි, යො වා නා පාති තං මොක්ඛතීති පාතිමොක්ඛන්ති චුච්චති." - DA II 478 PTS.
³ "පාතිමොක්ඛෙති පාතිමොක්ඛ සංඛාතෙ පෙට්ඨක සීලෙ පරිපූරකාරිතා කථිතා" ධම්මපදවිකථා, බුද්ධදත්ත සංස්කරණය, පි. 781.
⁴ "Freedom from sins there named" - Vin I. XV, 1964.
⁵ S. Dutt - Early Buddhist Monarchism - p.89 ff

‘පාතිමොක්ඛ’ යනු පටි + මොක්ඛ (මුඤ්චිති) හෙවත් බන්ධනය යන අර්ථයෙන් යුත් වදනක් ලෙස එංගලන්තයේ පාලිපොත් සමාගමේ (PTS) ශබ්ද කෝෂය අර්ථ දක්වයි.⁶ ඊ. ජේ. තෝමස් ද වෙනත් අයුරකින් එම අදහසම තහවුරු කරයි.⁷ මෙම වචනයට දී ඇති ‘බන්ධනය’ යන අරුත විසුද්ධිමග්ගයෙහි “පාතිමොක්ඛ සංවර සංවුතො” යන්න විග්‍රහ කළ තැනදී අපට හමුවේ. “පාතිමොක්ඛමෙව සංවරො පාතිමොක්ඛ සංවරො” යනුවෙන් විසුද්ධිමග්ගය අර්ථ කථනය කරන හෙයින්.⁸

පාලි පෙළෙහි මෙන්ම අටුවාවලත් සුලභ වශයෙන් දක්නට ඇති පරිදි මූලික අර්ථය අභිභවා ශබ්ද හා ධාතුවලට ආචාරධර්මී අර්ථයන් ගැන්වීමට උත්සාහකර ඇත. ථේරවාද සම්ප්‍රදාය තුළ “පාතිමොක්ඛ” යන වචනය නිර්වචනය කළ ආකාරයෙන් ද එය පැහැදිලි වේ. මේ ක්‍රමය හැඳින්වෙන්නේ ආචාරධර්මී නිරුක්ති යනුවෙනි. හොර්නර් මෙනෙවිය ද බැඳුම්කරය යන්න නිදහස් වීම යන අරුතට වඩා ගැලපෙන බව කියමින් එම අදහස පිළිගන්නා බව පෙනේ.⁹

කෙසේවෙතත් පාතිමොක්ඛ යන වදන විනය සම්ප්‍රදාය අනුව නිර්වචනය කර ඇති පැරණිම ස්ථානය අපට හමුවන්නේ මහාවග්ගපාලියේය. එහි දක්වා ඇති පරිදි කුසල ධර්මයන්ට මුල්ම දොරටුව මෙන්ම ප්‍රමුඛව ඇත්තේ ද පාතිමොක්ඛ යයි.¹⁰

මෙම කෘතිය සැකසීමේ දී පහත සඳහන් ප්‍රාතිමෝක්ෂ පිටපත් හා අටුවා පරිශීලනයකොට පාඨාන්තර සසඳා බලන ලද අතර බුද්ධචර්යා ක්‍රීටික ග්‍රන්ථ මාලාවේ පාරාජික පාළි හා පාවික්තිය පාළි කෘති දෙක මේ සඳහා ඉවහල් කරගන්නා ලදී.

1. රත්නාථ සුදනී නම් වූ හික්කු හික්කුණි ප්‍රාතිමොක්ෂ වණ්ණනාව. පණ්ඩිත පණම්ගල ශ්‍රී සොණුන්තර ජිනරතන ස්ථවිර, රත්ගම ශ්‍රී ප්‍රඥාශෙඛර නායක ස්ථවිර. බු. ව. 2488 - ක්‍රි. ව. 1944
2. සන්න සහිත හික්කු හික්කුණි ප්‍රාතිමොක්ෂ දෙක. කොලොන්නාවේ විහාරවාසී සුගුණසාර හික්කු. බු. ව. 2445.
3. සමන්තපාසාදිකා නාම විනයසංවණ්ණනා. සංස්කාරක යු. පී. එකනායක මහාසයෙන. බු. ව. 2474 - ක්‍රි. ව. 1931

⁶ Pali – English Dictionary – PTS. London
⁷ E. J. Thomas – History of Buddhist Thought – p.15
⁸ විසුද්ධිමග්ග - බුද්ධදත්ත සංස්කරණය - පි. 12.
⁹ Book of the Discipline I – I. B. Horner. p. xii. 1982
¹⁰ “පාතිමොක්ඛන්ති ආදිං එතං මුඛං එතං පමුඛං එතං කුසලානං ධම්මානං තෙන චූචිචති පාතිමොක්ඛන්ති” - Vin I. p. 103

4. උභය මාතෘකා පාළි හෙවත් ප්‍රාතිමොක්‍ෂය. රත්නපුරේ සිරි විසුද්ධාරාම පිරිවෙණේ ප්‍රධානාචාර්ය මාපොටේ චන්ද්‍රජෝති ස්ථවිර. ක්‍රි. ව. 1949.
5. විනය කම් පොත. රේරුකානේ චන්ද්‍රවිමල ස්ථවිර. බු. ව. 2499, ක්‍රි. ව. 1955.
6. ප්‍රාතිමොක්‍ෂ විවරණය - බුද්ධචර්යාල ධම්මපරායන තිස්ස. කොළඹ 10, ක්‍රි. ව. 1971.
7. කඩ්ධාවිතරණී නාම පාතිමොක්ඛවණ්ණනා. සංස්කාරක කාලවිල ඉන්දරනන සාමිනා. බු. ව. 2532 - ක්‍රි. ව. 1988.
8. ප්‍රාතිමොක්‍ෂය නොහොත් විනයකර්ම අත්පොත. කම්මට්ඨානාචාර්ය හොරපේ ශ්‍රී ප්‍රඥාසාර ස්වාමීන් වහන්සේ. බු. ව. 2535, ක්‍රි. ව. 1991.
9. හික්‍ෂු ප්‍රාතිමෝක්‍ෂය. ආචාර්ය රඹුකේවෙල ඤාණසීහ හිමි. ක්‍රි. ව. 2007.

උපසපත් හික්‍ෂුන්ගේ ප්‍රයෝජනය සඳහා මෙම කෘතියට නිතර භාවිතවන කම්මවාලා කීපයක් ද ඇතුලත් කරණ ලදී.

මෙය සැකසීම සඳහා උනන්දුව දක්වා ප්‍රාතිමෝක්‍ෂ පිටපත් සපයාදීමෙන් අප දිරිගැන් වූ පුජ්‍ය. නීතිවේදී නාකුළුගමුවේ සුමන හිමියන්ට අපි බෙහෙවින් කෘතඥවෙමු.

සංස්කාරකවරු.

සිංගප්පූරුව.

ශ්‍රී බුද්ධ වර්ෂ 2552 වූ පොසොන් මස පුර තෙළෙස්වක් නම් තිථිය ලත් සඳුදින.

16/06/2008.

ඇවැත් දෙසීම

(පළමුවෙන් වස්වලින් අඩු හික්ෂුව ඇවැත් දෙසිය යුතුයි)

(වස්වලින් අඩු හික්ෂුව)- සබ්බාපත්තියො ආරොවෙමි.
දුතියමිපි සබ්බාපත්තියො ආරොවෙමි.
තතියමිපි සබ්බාපත්තියො ආරොවෙමි.
අහං භන්තෙ සම්බහුලා ආපත්තියො ආපජ්ජං තා තුම්හමුලෙ පටිදෙසෙමි.

(වස්වලින් වැඩි හික්ෂුව)- පස්සසි ආවුසො තා ආපත්තියො?

(වස්වලින් අඩු හික්ෂුව)- ආම භන්තෙ පස්සාමි.

(වස්වලින් වැඩි හික්ෂුව)-ආයතිං ආවුසො සංවරෙය්‍යාසි?

(වස්වලින් අඩු හික්ෂුව)-සාධු සුට්ඨු භන්තෙ සංවරිස්සාමි.

(වස්වලින් වැඩි හික්ෂුව)- සාධු සාධු.

(වස්වලින් වැඩි හික්ෂුව)- සබ්බාපත්තියො ආරොවෙමි.
දුතියමිපි සබ්බාපත්තියො ආරොවෙමි.
තතියමිපි සබ්බාපත්තියො ආරොවෙමි.
අහං ආවුසො සම්බහුලා ආපත්තියො
ආපජ්ජං තා තුම්හමුලෙ පටිදෙසෙමි.

(වස්වලින් අඩු හික්ෂුව)-පස්සථ භන්තෙ තා ආපත්තියො?

(වස්වලින් වැඩි හික්ෂුව)- ආම ආවුසො පස්සාමි.

(වස්වලින් අඩු හික්ෂුව)-ආයතිං භන්තෙ සංවරෙය්‍යාථ?

(වස්වලින් වැඩි හික්ෂුව)-සාධු සුට්ඨු ආවුසො සංවරිස්සාමි.

(වස්වලින් අඩු හික්ෂුව)- සාධු භන්තෙ සාධු.¹¹

(ඇවැත් දෙසීම මෙයට වෙනස් ලෙස ද ඇත.)

¹¹ විනය කර්ම පොත පි. 85 - රෙරුකානේ වන්දවිමල මහාස්ථීර.

තෙරුවන් නැමදීම

නමොතස්ස භගවතො අරහතො සම්මා සම්බුද්ධස්ස.
නමොතස්ස භගවතො අරහතො සම්මා සම්බුද්ධස්ස.
නමොතස්ස භගවතො අරහතො සම්මා සම්බුද්ධස්ස.

ඉතිපි සො භගවා අරහං සම්මා සම්බුද්ධො විජ්ජාවරණ
සම්පන්නො සුගතො ලොකවිදු අනුත්තරො පුරිසදම්ම
සාරථී සත්ථා දෙවමනුස්සානං බුද්ධො භගවා'ති.

ස්වාක්ඛාතො භගවතා ධම්මො සන්දිට්ඨිකො අකාලිකො
එහිපස්සිකො ඔපනයිකො පච්චන්තං වෙදිතබ්බො
විඤ්ඤාහි'ති.

සුපට්ඨන්තො භගවතො සාවකසංඝො
උපුපට්ඨන්තො භගවතො සාවකසංඝො
ඤායපට්ඨන්තො භගවතො සාවකසංඝො
සාමීච්චන්තො භගවතො සාවකසංඝො
යදිදං චත්තාරී පුරිස යුගානි අට්ඨපුරිස පුග්ගලා එස
භගවතො සාවකසංඝො ආහුනෙයො පාහුනෙයො
දක්ඛිණෙයො අඤ්ජලි කරණීයො අනුත්තරං
පුඤ්ඤක්ඛෙන්තං ලොකස්සා'ති.

චන්දාමි වෙනියං සබ්බං සබ්බධානෙසු පතිට්ඨිතං
සාරීරික ධාතු මහාබෝධිං බුද්ධරූපං සකලං සදා.

ඉමෙ එතෙ මහාබෝධි ලොකනාමොන පුජිතා
අහම්'පි තෙ නමස්සාමි බොධිරාජා නමත්ථුතෙ.

කායෙන වාචා චිත්තෙන පමාදෙන මයාකතං
අච්චයං බම මෙ හත්තෙ භුරිපඤ්ඤ තථාගත.

කායෙන වාචා චිත්තෙන පමාදෙන මයාකතං
අච්චයං බම මෙ හත්තෙ භුරිපඤ්ඤ තථාගත.

කායෙන වාචා චිත්තෙන පමාදෙන මයාකතං
අච්චයං බම මෙ හත්තෙ භුරිපඤ්ඤ තථාගත.

උපොසථකම්මස්ස පුබ්බකරණ-පුබ්බකිව්වානි

(ආරාධක) - නමොතස්ස භගවතො අරහතො සම්මා සම්බුද්ධස්ස.

සුභාතු මෙ භන්තෙ සංඝො, යදි සංඝස්ස පත්තකල්ලං, අහං ආයස්මන්තං (මෙනච දේශක භික්ෂුවගේ නම යොදන්න...) විනයං පුච්ඡෙය්‍යං.

(දේශක) - සුභාතු මෙ භන්තෙ සංඝො, යදි සංඝස්ස පත්තකල්ලං, අහං (මෙනච ආරාධක භික්ෂුවගේ නම යොදන්න..... භික්ෂුනා) විනයං පුච්ඡො විස්සජ්ජෙය්‍යං.

(ආරාධක) - සම්මජ්ජනී පදීපො ච -
උදකං ආසනෙන ච,
උපොසථස්ස එතානි -
පුබ්බකරණන්ති වුච්චති.

මකාස - සම්මජ්ජනී;

(දේශක) - සම්මජ්ජන කරණඤ්ච.

(ආරාධක) - පදීපො ච;

(දේශක) - පදීප උජ්ජලනඤ්ච, ඉදානි සුරියාලොකස්ස අත්ථිතාය පදීප කිච්චං නත්ථි.

(ආරාධක) - උදකං ආසනෙන ච;

(දේශක) - ආසනෙන සහ පානීය පරිභොජනීය උදකට්ඨපනඤ්ච.

(ආරාධක) - උපොසථස්ස එතානි පුබ්බකරණන්ති වුච්චති;

(දේශක) - එතානි චත්තාරි චත්තානි සම්මජ්ජන කරණාදීනි සංඝ සන්නිපාතතො පඨමං කත්තබ්බත්තා.

(ආරාධක) - උපොසථස්ස;

(දේශක) - උපොසථකම්මස්ස, පුබ්බකරණන්ති වුච්චති පුබ්බකරණානී'ති අක්කාතානි.

(ආරාධක) - ඡන්දපාරිසුද්ධි උතුක්කානං -
භික්ඛුගණනාච ඔවාදො
උපොසථස්ස එතානි -
පුබ්බකිච්චන්ති වුච්චති.

ඡන්ද පාරිසුද්ධි;

(දේශක) - ඡන්දාරහානං භික්ඛුනං ඡන්ද පාරිසුද්ධි ආහරණඤ්ච ඉධ නත්ථි.

(ආරාධක) - උතුක්කානං;

(දේශක) - හෙමන්තාදීනං තිණ්ණං උතුනං එත්තකං අතික්කන්තං එත්තකං අවසිට්ඨන්ති එවං උතු ආචික්ඛණං, උතුනීධ පන සාසනෙ හෙමන්ත ගිම්හ වස්සානානං වසෙන තිණි හොන්ති, අයං හෙමන්ත උතු, අස්මිං උතුමිහි අට්ඨි උපොසථා, ඉමිනා පක්ඛෙන එකො උපොසථො සම්පත්තො, එකො උපොසථො අතික්කන්තො, ඡ උපොසථා අවසිට්ඨා.*

* පොහොය කරන දිනට ඇති ඍතු ච පොහොය කවරේදී ලංකාපංචාංග ලීන්වල, 'පොහෝ පවුරුණු පිළිවෙළ' යනුවෙන් සඳහන්වන තැන බලා පෝය ගණන හා ඍතුව සකස්කරගත යුතුය.

(ආරාධක) - හික්බුගණනා ව;

(දේශක) - ඉමස්මිං උපොසථග්ගෙ සන්තිපතිතානං හික්බුනං ගණනා එත්තකා (ධස්වු හික්ඡු ගණන යොදන්ත.) හික්බු හොන්ති.

(ආරාධක) - ඔවාදො;

(දේශක) - හික්බුනීනං ඔවාදො දාතබ්බො, ඉදානි පන තාසං නත්ථිතාය සො ච ඔවාදො ඉධ නත්ථි.

(ආරාධක) - උපොසථස්ස එතානි පුබ්බකිච්චන්ති වුච්චති;

(දේශක) - එතානි පඤ්ච කම්මානි ඡන්දහරණාදීනි පාතිමොක්ඛද්දෙසතො පටිමං කත්තබ්බත්තා,

(ආරාධක) - උපොසථස්ස;

(දේශක) - උපොසථකම්මස්ස, පුබ්බකිච්චන්ති වුච්චති, පුබ්බකිච්චානීති අක්ඛාතානි.

(ආරාධක) - උපොසථො යාවතිකා ච හික්බු - කම්මපත්තා සභාගාපත්තියො ච. න විජ්ජන්ති චජ්ජනියා ච පුග්ගලා - තස්මිං න හොන්ති පත්තකල්ලන්ති වුච්චති.

උපොසථො;

(දේශක) - තීසු උපොසථදිවසෙසු චාතුද්දසී පණ්ණරසී සාමග්ගීසු අජ්ජුපොසථො පණ්ණරසො;

(ආරාධක) - යාවතිකා ච හික්බු කම්මපත්තා;

(දේශක) - යත්තකා හික්බු තස්ස

උපොසථකම්මස්ස පත්තා යුත්තා
 අනුරූපා සබ්බන්තිමෙන පරිච්ඡේදෙන
 චත්තාරො භික්ඛූ පකතත්තා සංසෙන
 අනුක්ඛිත්තා තෙ ච ඛො භත්ථපාසං
 අවිජ්ඣිත්වා එකසීමායං යීතා.

- (ආරාධක) - සභාගාපත්තියො ච නවිජ්ජන්ති;
- (දේශක) - විකාල භොජනාදී චත්ථුසභාගා-
පත්තියො ච න විජ්ජන්ති.
- (ආරාධක) - චජ්ජනීයා ච පුග්ගලා තස්මිං න
භොන්ති;
- (දේශක) - ගහට්ඨපණ්ඩකාදයො එකවීසති
චජ්ජනීය පුග්ගලා භත්ථපාසතො බහි
කරණ චසෙන චජ්ජෙතබ්බො.
- (ආරාධක) - තස්මිං න භොන්ති පත්තකල්ලන්ති
චුච්චති;
- (දේශක) - සංසස්ස උපොසථකම්මං ඉමෙහි චතුහි
අංගෙහි* සංගහිතං, පත්තකල්ලන්ති
චුච්චති පත්තකාලචන්තන්ති අක්ඛාතං.
- (ආරාධක) - පුබ්බකරණ පුබ්බකිච්චානි සමාපෙත්වා
දෙසිතාපත්තිකස්ස සමග්ගස්ස භික්ඛූ
සංසස්ස අනුමතියා පාතිමොක්ඛං
උද්දිසිතුං ආරාධනං කරොමි.

නිදානං.

- (දේශක) - නමොතස්ස භගවතො අරහතො සම්මා
සම්බුද්ධස්ස.

* ලක්ඛණෙහි - ඇතැම් පොත්වල. (අංගෙහි - කංඛාවිතරණී.)

සුඤ්ඤාන මෙ භන්තෙ සංඝො අජ්ජපොසථො
පණ්ණරසො යදිසංඝස්ස පත්තකල්ලං සංඝො
උපොසථං කරෙය්‍ය පාතිමොක්ඛං උද්දිසෙය්‍ය.

කිං සංඝස්ස පුබ්බකිච්චං? පාරිසුද්ධිං ආයස්මන්තො
ආරොචෙථ, පාතිමොක්ඛං උද්දිසිස්සාමි තං
සබ්බෙව සන්තා සාධුකං සුඤ්ඤාම මනසි කරොම
යස්ස සියා ආපත්ති සො ආවිකරෙය්‍ය අසන්තියා
ආපත්තියා තුණ්හි භවිතබ්බං තුණ්හිභාවෙන ඛො
පනායස්මන්තෙ පරිසුද්ධාති වෙදිස්සාමි.

යථා ඛො පන පච්චෙකපුට්ඨස්ස වෙය්‍යාකරණං
හොති, එව මෙවං එවරූපාය පරිසාය යාවතතියං
අනුසාවිතං හොති. යො පන භික්ඛු යාවතතියං
අනුසාවියමානෙ සරමානො සන්තිං ආපත්තිං
නාවිකරෙය්‍ය, සම්පජානමුසාවාදස්ස හොති.
සම්පජානමුසාවාදො ඛො පනායස්මන්තො
අන්තරායිකො ධම්මො චුත්තො භගවතා. තස්මා
සරමානෙන භික්ඛුනා ආපත්තෙන
විසුද්ධාපෙක්ඛෙන සන්ති ආපත්ති ආවිකාතබ්බා,
ආවිකතාහිස්ස ඵාසු හොති.

උද්දිට්ඨං ඛො ආයස්මන්තො නිදානං,
තත්ථායස්මන්තෙ පුච්ඡාමි. කච්චිත්ථ පරිසුද්ධා?
දුතියම්පි පුච්ඡාමි. කච්චිත්ථ පරිසුද්ධා? තතියම්පි
පුච්ඡාමි. කච්චිත්ථ පරිසුද්ධා? පරිසුද්ධෙත්ථා-
යස්මන්තො, තස්මා තුණ්හි, එවමෙතං ධාරයාමි'ති.¹²

නිදානුද්දෙසො.

¹² කංඛාවිතරණී පි. 2 - 29. (හේවාචිතාරණ අටයකටා)
මහාවග්ග පාළි පි. 117.
සමන්තපාසාදිකා පි. 656.
ප්‍රාතිමෝක්ඛ ධර්මනා පි. 1 - 15. - පණ්ඩිත පණමගල ජිනරතන ස්ථවිර,
ජන්ගම ශ්‍රී ප්‍රඥාගෙඛර නායක ස්ථවිර.

වත්තාරො පාරාජිකා ධම්මා

තත්ත්වමෙ වත්තාරො පාරාජිකා ධම්මා උද්දෙසං ආගච්ඡන්ති.

1. යො පන භික්ඛු භික්ඛුනං සික්ඛාසාජ්ච-සමාපන්නො සික්ඛං අපච්චක්ඛාය දුබ්බලයං අනාවිකත්වා මෙට්ඨනං ධම්මං පතිසෙවෙය්‍ය අන්තමසො තිරච්ඡානගතායපි පාරාජිකො හොති අසංවාසො.¹
2. යො පන භික්ඛු ගාමා වා අරඤ්ඤා වා අදීන්තං ථෙය්‍යසංඛාතං ආදියෙය්‍ය, යථාරූපෙ අදීන්තාදානෙ රාජානො චොරං ගහෙත්වා නනෙය්‍යුං වා ඛන්ධෙය්‍යුං වා පබ්බාපෙය්‍යුං වා, චොරො'සි ඛාලො'සි මුල්භො'සි ථෙතො'සිති, තථාරූපං භික්ඛු අදීන්තං ආදියමානො අයම්පි පාරාජිකො හොති අසංවාසො.²
3. යො පන භික්ඛු සංචිච්ච මනුස්සවිග්ගහං ජීවිතා චොරොපෙය්‍ය, සත්ථහාරකං වාස්ස පරියෙසෙය්‍ය, මරණචණ්ණං වා සංචණ්ණෙය්‍ය, මරණාය වා සමාදාපෙය්‍ය: "අම්හො පුරිස කිං තුය්හිමිතා පාපකෙන දුජ්ජීවිතෙන, මතන්තෙ ජීවිතා සෙය්‍යො"ති ඉති විත්තමනො විත්තසංකප්පො අනෙකපරියායෙන මරණචණ්ණං වා සංචණ්ණෙය්‍ය මරණාය වා සමාදාපෙය්‍ය, අයම්පි පාරාජිකො හොති අසංවාසො.³

¹ පාරාජික පාළි පි. 56.

² පාරාජික පාළි පි. 104.

³ පාරාජික පාළි පි. 160.

4. යො පන භික්ඛු අනභිජානං උත්තරිමනුස්ස-
 ධම්මං අත්තූපනායිකං අලමරියඤ්ඤාණදස්සනං
 සමුදාචරෙය්‍ය 'ඉති ජානාමි, ඉති පස්සාමි'ති.
 තතො අපරෙන සමයෙන සමනුග්ගාහියමානො
 වා අසමනුග්ගාහියමානො වා ආපන්නො
 විසුද්ධාපෙක්ඛො එවං වදෙය්‍ය: 'අජානමෙවාහං'⁴
 ආවුසො අවචං ජානාමි, අපස්සං
 පස්සාමි, තුච්ඡං මුසා විලපි'න්ති අඤ්ඤත්‍ර
 අධිමානා. අයම්පි පාරාජිකො හොති
 අසංවාසො.⁵

උද්ධිට්ඨා ඛො ආයස්මන්නො චත්තාරො පාරාජිකා
 ධම්මා, යෙසං භික්ඛු අඤ්ඤතරං වා අඤ්ඤතරං
 වා ආපජ්ජිත්වා න ලහති භික්ඛුහි සද්ධිං සංවාසං,
 යථා පුරෙ තථා පච්ඡා පාරාජිකො හොති
 අසංවාසො. තත්ථායස්මන්නෙ පුච්ඡාමි කච්චිත්ථ
 පරිසුද්ධා? දුතියම්පි පුච්ඡාමි කච්චිත්ථ
 පරිසුද්ධා? තතියම්පි පුච්ඡාමි කච්චිත්ථ පරිසුද්ධා?
 පරිසුද්ධෙත්ථායස්මන්නො, තස්මා තුණ්හි.
 එවමෙතං ධාරයාමි'ති.⁶

පාරාජිකුද්දෙසො නිට්ඨිතො.

උද්දිට්ඨං ඛො ආයස්මන්නො නිදානං උද්දිට්ඨා
 චත්තාරො පාරාජිකා ධම්මා; සුතා ඛො
 පනායස්මන්නෙහි තෙරස සංඝාදිසෙසා ධම්මා
 ද්වෙ අනියතා ධම්මා, තිංස නිස්සග්ගියා
 පාචිත්තියා ධම්මා, ද්වෙනචුති පාචිත්තියා ධම්මා,
 චත්තාරො පාට්ඨෙසනියා ධම්මා, පඤ්චසත්තති
 සෙඛියා ධම්මා, සත්ත අධිකරණසමථා ධම්මා,

⁴ ඇතැම් පොත්වල අජානමෙවං.
⁵ පාරාජික පාළි පි. 200.
⁶ පාරාජික පාළි පි. 254.

එත්තකං තස්ස භගවතො සුත්තාගතං
සුත්තපරියාපන්නං අන්වද්ධමාසං උද්දෙසං
ආගච්ඡති තත්ථ සබ්බෙහෙව සමග්ගෙහි
සම්මොදමානෙහි අවිච්ඡමානෙහි සික්ඛිතබ්බන්ති.⁷

⁷ ප්‍රාතිමොක්ඛ වණිණනාළු - පණ්ණාසක ජිනරතන ස්ථවිර. පි. 46.

තෙරස සංඝාදිසෙසා ධම්මා

ඉමෙ ඛො පනායස්මන්තො තෙරස සංඝාදිසෙසා ධම්මා උද්දෙසං ආගච්ඡන්ති.

1. සංවෙනනිකා සුක්කවිසථිධී අඤ්ඤත්තු සුපිනන්තා සංඝාදිසෙසො.⁸
2. යො පන හික්ඛු ඔතිණ්ණො විපරිණතෙන චිත්තෙන මාතුගාමෙන සද්ධිං කායසංසග්ගං සමාපජ්ජෙය්‍යා: හත්ථගාහං වා වෙණිගාහං වා අඤ්ඤතරස්ස වා අඤ්ඤතරස්ස වා අංගස්ස පරාමසනං, සංඝාදිසෙසො.⁹
3. යො පන හික්ඛු ඔතිණ්ණො විපරිණතෙන චිත්තෙන මාතුගාමං දුට්ඨුල්ලාහි වාචාහි ඔහාසෙය්‍ය යථා තං යුචා යුචතිං මෙටුනුපසංහිතාහි, සංඝාදිසෙසො.¹⁰
4. යො පන හික්ඛු ඔතිණ්ණො විපරිණතෙන චිත්තෙන මාතුගාමස්ස සන්තිකෙ අත්තකාම-පාරිවරියාය වණ්ණං භාසෙය්‍යා: එතදග්ගං හගිති, පාරිවරියානං යා මාදිසං සීලවන්තං කල්‍යාණධම්මං බුභ්මචාරිං එතෙන ධම්මෙන පරිවරෙය්‍යාහි මෙටුනුපසංහිතෙන, සංඝාදිසෙසො.¹¹
5. යො පන හික්ඛු සඤ්චරිත්තං සමාපජ්ජෙය්‍යා ඉත්ථියා වා පුරිසමතිං පුරිසස්ස වා ඉත්ථිමතිං, ඡායත්තතෙ වා ඡාරත්තතෙ වා, අන්තමසො

⁸ පාඨාජ්ඣ පාළි පි. 260.

⁹ පාඨාජ්ඣ පාළි පි. 294.

¹⁰ පාඨාජ්ඣ පාළි පි. 320.

¹¹ පාඨාජ්ඣ පාළි පි. 332.

නංඛණිකායපී, සංඝාදිසෙසො.¹²

6. සඤ්ඤාවිකාය පන භික්ඛුනා කුටිං කාරයමානෙන අස්සාමිකං අත්තද්දෙසං පමාණිකා කාරෙතඛ්ඛා. තත්ත්වං පමාණං: දීසසො ද්වාදසවිදන්ථියො සුගතවිදන්ථියා තිරියං සත්තන්තරා, භික්ඛු අභිනෙතඛ්ඛා වත්ථුදෙසනාය. තෙහි භික්ඛුහි වත්ථුං දෙසෙතඛ්ඛං අනාරම්භං සපරික්කමනං. සාරම්භෙ චෙ භික්ඛු වත්ථුස්මිං අපරික්කමනෙ සඤ්ඤාවිකාය කුටිං කාරෙයා භික්ඛු වා අනභිනෙයා වත්ථුදෙසනාය පමාණං වා අතික්කාමෙයා සංඝාදිසෙසො.¹³

7. මහල්ලකං පන භික්ඛුනා විහාරං කාරයමානෙන සස්සාමිකං අත්තද්දෙසං, භික්ඛු අභිනෙතඛ්ඛා වත්ථුදෙසනාය. තෙහි භික්ඛුහි වත්ථුං දෙසෙතඛ්ඛං අනාරම්භං සපරික්කමනං, සාරම්භෙ චෙ භික්ඛු වත්ථුස්මිං අපරික්කමනෙ මහල්ලකං විහාරං කාරෙයා, භික්ඛු වා අනභිනෙයා වත්ථුදෙසනාය, සංඝාදිසෙසො.¹⁴

8. යො පන භික්ඛු භික්ඛුං දුට්ඨො දොසො අස්පතීතො අමුලකෙන පාරාජිකෙන ධම්මෙන අනුද්ධංසෙයා අස්පෙවනාම නං ඉමම්භා බුහ්මචරියා වාචෙයාන්ති. තතො අපරෙන සමයෙන සමනුග්ගාහියමානො වා අසමනුග්ගාහියමානො වා අමුලකඤ්චෙව නං අධිකරණං හොති භික්ඛු ව දොසං පතිට්ඨාති,

¹² පාරාජික පාළි පි. 344.
¹³ පාරාජික පාළි පි. 382.
¹⁴ පාරාජික පාළි පි. 406.

සංඝාදිසෙසො.¹⁵

9. යො පන භික්ඛු භික්ඛුං දුට්ඨො දොසො අප්පතීතො අඤ්ඤභාගියස්ස අධිකරණස්ස කිඤ්චිදෙසං ලෙසමත්තං උපාදාය පාරාජිකෙන ධම්මෙන අනුද්ධංසෙය්‍ය, අප්පෙවනාම නං ඉමම්භා බුහ්මචරියා වාවෙය්‍යන්ති. තතො අපරෙන සමයෙන සමනුග්ගාහියමානො වා අසමනුග්ගාහියමානො වා අඤ්ඤභාගියං වෙව තං අධිකරණං හොති, කොචි දෙසො ලෙසමත්තො උපාදින්නො, භික්ඛු ච දොසං පතිට්ඨාති, සංඝාදිසෙසො.¹⁶
10. යො පන භික්ඛු සමග්ගස්ස සංඝස්ස හෙදාය පරක්කමෙය්‍ය, හෙදනසංවත්තනිකං වා අධිකරණං සමාදාය පග්ගස්භ තිට්ඨෙය්‍ය, සො භික්ඛු භික්ඛුහි එවමස්ස වචනීයො: 'මා ආයස්මා සමග්ගස්ස සංඝස්ස හෙදාය පරක්කම්, හෙදනසංවත්තනිකං වා අධිකරණං සමාදාය පග්ගස්භ අට්ඨාසි, සමෙතායස්මා සංඝෙන, සමග්ගො හි සංඝො සම්මොදමානො අවිච්චමානො ඵකුද්දෙසො ඵාසු විහරතී'ති. එවඤ්ච සො භික්ඛු භික්ඛුහි චුච්චමානො තථෙව පග්ගණ්භෙය්‍ය, සො භික්ඛු භික්ඛුහි යාව තතියං සමනුභාසිතඛ්ඛො තස්ස පටිනිස්සග්ගාය, යාව තතියංචෙ සමනුභාසියමානො තං පටිනිස්සජ්ජෙය්‍ය, ඉච්චෙනං කුසලං නො චෙ පටිනිස්සජ්ජෙය්‍ය,

¹⁵ පාරාජික පාළි පි. 424.

¹⁶ පාරාජික පාළි පි. 436.

සංඝාදිසෙසො.¹⁷

11. තස්සෙව ඛො පන භික්ඛුස්ස භික්ඛු භොන්ති අනුචත්තකා වග්ගවාදකා එකො වා ද්වෙ වා තයො වා, තෙ එවං වදෙය්‍යුං: "මා ආයස්මන්තො එතං භික්ඛුං කිඤ්චි අවචුත්ථං, ධම්මවාදී වෙසො භික්ඛු විනයවාදී වෙසො භික්ඛු අම්භාකං වෙසො භික්ඛු ඡන්දඤ්ච රුචිඤ්ච ආදාය වොහරති, ජානාති නො භාසති, අම්භාකම්පෙතං ඛමති"ති. තෙ භික්ඛු භික්ඛුහි එවමස්සු වචනීයා: "මා ආයස්මන්තො එවං අවචුත්ථං, න වෙසො භික්ඛු ධම්මවාදී, න වෙසො භික්ඛු විනයවාදී, මා ආයස්මන්තානම්පි සංඝහෙදො රුචිවිත්ථං, සමෙතායස්මන්තානං සංඝෙන, සමග්ගො හි සංඝො සම්මොදමානො අවිවාදමානො එකුද්දෙසො එාසු විහරති"ති. එවඤ්ච තෙ භික්ඛු භික්ඛුහි චුච්චමානා තථෙව පග්ගණ්හෙය්‍යුං, තෙ භික්ඛු භික්ඛුහි යාව තතියං සමනුභාසිතබ්බා තස්ස පටිනිස්සග්ගාය. යාව තතියඤ්චෙ සමනුභාසියමානානං පටිනිස්සජ්ජෙය්‍යුං, ඉච්චෙතං කුසලං, නො චෙ පටිනිස්සජ්ජෙය්‍යුං, සංඝාදිසෙසො.¹⁸

12. භික්ඛු පනෙව දුබ්බචජාතිකො භොති, උද්දෙසපරියාපන්තෙසු සික්ඛාපදෙසු භික්ඛුහි සහධම්මිකං චුච්චමානො අත්තානං අවචනීයං කරොති, 'මා මං ආයස්මන්තො කිඤ්චි අවචුත්ථං, කල්‍යාණං වා පාපකං වා,

¹⁷ පාරාජික පාළි පි. 452.
¹⁸ පාරාජික පාළි පි. 456.

අහම්පායස්මන්තෙ න කිඤ්චි වක්ඛාමි කලයාණං වා පාපකං වා, විරමාථාස්මන්තො මම වචනායා'ති. සො භික්ඛු භික්ඛුහි ඵවමස්ස වචනීයො: 'මා ආයස්මා අත්තානං අවචනීයං අකාසි. වචනීයමෙවායස්මා අත්තානං කරොතු. ආයස්මාපි භික්ඛු වදෙතු සහධම්මෙන. භික්ඛුපි ආයස්මන්තං චක්ඛන්ති සහධම්මෙන. ඵවං සංවද්ධා හි තස්ස භගවතො පරිසා, යදිදං අඤ්ඤමඤ්ඤවචනෙන අඤ්ඤමඤ්ඤ-චුට්ඨාපන්තො'ති. ඵවඤ්ච සො භික්ඛු භික්ඛුහි චුච්චමානො තථෙව පග්ගණ්ඨෙය්‍ය, සො භික්ඛු භික්ඛුහි යාව තතියං සමනුභාසිතඛ්ඛො තස්ස පටිනිස්සග්ගාය. යාව තතියඤ්චෙ සමනුභාසියමානො තං පටිනිස්සජ්ජෙය්‍ය, ඉච්චෙනං කුසලං නොචෙ පටිනිස්සජ්ජෙය්‍ය, සංසාදිසෙසො.¹⁹

13. භික්ඛු පනෙව අඤ්ඤතරං ගාමං වා නිගමං වා උපනිස්සාය විහරති කුලදුසකො පාපසමාචාරො, තස්ස ඛො පාපකා සාමාචාරා දිස්සන්ති චෙව සුය්‍යන්ති ච, කුලානි ච තෙන දුට්ඨානි දිස්සන්ති චෙව සුය්‍යන්ති ච, සො භික්ඛු භික්ඛුහි ඵවමස්ස වචනීයො: "ආයස්මා ඛො කුලදුසකො පාපසමාචාරො, ආයස්මතො ඛො පාපකා සමාචාරා දිස්සන්ති චෙව සුය්‍යන්ති ච, කුලානි වායස්මතා දුට්ඨානි දිස්සන්ති චෙව සුය්‍යන්ති ච, පක්කමතායස්මා ඉමම්භා ආවාසා, අලන්තෙ ඉධ වාසෙනා"ති, ඵවඤ්ච සො භික්ඛු භික්ඛුහි චුච්චමානො තෙ

¹⁹ පායාජක පාළි පි. 462.

හික්බු එවං වදෙය්‍යා: “ඡන්දගාමීනො ච හික්බු දොසගාමීනො ච හික්බු මොහගාමීනො ච හික්බු භයගාමීනො ච හික්බු, තාදිසිකාය ආපත්තියා එකච්චං පබ්බාඡෙන්නි: එකච්චං න පබ්බාඡෙන්නි”ති. සො හික්බු හික්බුහි එවමස්ස චචතීයො “මා ආයස්මා එවං අචච, න ච හික්බු ඡන්දගාමීනො න ච හික්බු දොසගාමීනො න ච හික්බු මොහගාමීනො න ච හික්බු භයගාමීනො, ආයස්මා බො කුලදුසකො පාපසමාචාරො, ආයස්මතො බො පාපකා සමාචාරා දිස්සන්ති චෙව සුය්‍යන්ති ච’ කුලානි චායස්මතා දුට්ඨානි දිස්සන්ති චෙව සුය්‍යන්ති ච පක්කමතායස්මා ඉමමිහා ආචාසා, අලං තෙ ඉධ වාසෙනා”ති. එවඤ්ච සො හික්බු හික්බුහි චුච්චමනො තථෙව පග්ගණ්ඨෙය්‍ය, සො හික්බු හික්බුහි යාව තතියං සමනුභාසිතබ්බො තස්ස පටිනිස්සග්ගාය, යාව තතියඤ්චෙව සමනුභාසියමානො තං පටිනිස්සජ්ඡෙය්‍ය, ඉච්චෙතං කුසලං, නො චෙ පටිනිස්සජ්ඡෙය්‍ය සංඝාදිසෙසො.²⁰

උද්දිට්ඨා බො ආයස්මන්තො තෙරස සංඝාදිසෙසා ධම්මා, නච පධමාපත්තිකා චත්තාරො යාවතතියකා, යෙසං හික්බු අඤ්ඤතරං වා අඤ්ඤතරං වා ආපජ්ජිත්වා යාවතිහං ඡානං පටිච්ඡාදෙති තාවතිහං තෙන හික්බුනා අකාමා පරිචත්ථබ්බං. පරිචුත්ථපරිචාසෙන හික්බුනා උත්තරි ඡාරත්තං හික්බු මානත්තාය පටිපජ්ජිතබ්බං. විණ්ණමානත්තො හික්බු යත්ථ සියා වීසතිගණො හික්බුසංඝො, තත්ථ සො හික්බු අබ්භෙතබ්බො.

²⁰ පාරාජික පාළි පි. 476.

එකෙනපි වෙ උනො වීසනිගණො
 හික්ඛුසංඝො තං හික්ඛුං අබ්භෙය්‍ය, සො ච හික්ඛු
 අනබ්භිතො. තෙ ච හික්ඛු ගාරය්‍යා. අයං තත්ථ
 සාමීචි. තත්ථායස්මන්තෙ පුච්ඡාමි කචචිත්ථ
 පරිසුද්ධා? දුතියමපි පුච්ඡාමි කචචිත්ථ
 පරිසුද්ධා? තතියමපි පුච්ඡාමි කචචිත්ථ පරිසුද්ධා?
 පරිසුද්ධෙත්ථායස්මන්තො. තස්මා තුණ්හි.
 එවමෙතං ධාරයාමී'ති.²¹

සංඝාදිසෙසුද්දෙසො නිට්ඨිතො.

ද්වෙ අනියතා ධම්මා

ඉමෙ ඛො පනායස්මන්තො ද්වෙ අනියතා ධම්මා
 උද්දෙසං ආගච්ඡන්ති.

1. යො පන හික්ඛු මාතුගාමෙන සද්ධිං එකො
 එකාය රහො පටිච්ඡන්තෙ ආසනෙ
 අලංකම්මනියෙ නිසජ්ජං කප්පෙය්‍ය, තමෙනං
 සද්ධෙය්‍යචචසා උපාසිකා දිස්වා තිණ්ණං
 ධම්මානං අඤ්ඤතරෙන වදෙය්‍ය, පාරාජිකෙන
 වා සංඝාදිසෙසෙන වා පාවිත්තියෙන වා,
 නිසජ්ජං හික්ඛු පටිජානමානො තිණ්ණං
 ධම්මානං අඤ්ඤතරෙන කාරෙතඛ්ඛො
 පාරාජිකෙන වා සංඝාදිසෙසෙන වා
 පාවිත්තියෙන වා. යෙන වා සා සද්ධෙය්‍යචචසා
 උපාසිකා වදෙය්‍ය, තෙන සො හික්ඛු
 කාරෙතඛ්ඛො. අයං ධම්මො අනියතො.²²

²¹ පාරාජික පාළි පි. 482.

²² පාරාජික පාළි පි. 486.

2. නභව බො පන පටිච්ඡන්තං ආසනං හොති නාලංකම්මනියං, අලඤ්ච බො හොති මාතුගාමං දුට්ඨුල්ලාහි වාචාහි ඔභාසිතුං. යො පන හික්ඛු තථාරූපෙ ආසනෙ මාතුගාමෙන සද්ධිං එකො එකාය රහො නිසජ්ජං කප්පෙය්‍ය, තමෙන සද්ධෙය්‍යවචසා උපාසිකා දිස්වා ද්විත්තං ධම්මානං අඤ්ඤතරෙන වදෙය්‍ය සංඝාදිසෙසෙන වා පාවිත්තියෙන වා, නිසජ්ජං හික්ඛු පටිජානමානො ද්විත්තං ධම්මානං අඤ්ඤතරෙන කාරෙතඛ්බො සංඝාදිසෙසෙන වා පාවිත්තියෙන වා, යෙන වා සා සද්ධෙය්‍යවචසා උපාසිකා වදෙය්‍ය තෙන සො හික්ඛු කාරෙතඛ්බො. අයම්පි ධම්මො අනියතො.²³

උද්දිට්ඨා බො ආයස්මන්තො ද්වෙ අනියතා ධම්මා. තත්ථායස්මන්තෙ පුච්ඡාමි, කච්චිත්ථ පරිසුද්ධා? දුතියම්පි පුච්ඡාමි, කච්චිත්ථ පරිසුද්ධා? තතියම්පි පුච්ඡාමි, කච්චිත්ථ පරිසුද්ධා? පරිසුද්ධෙත්ථායස්මන්තො තස්මා තුණ්හී, එවමෙන ධාරයාමි'ති.²⁴

අනියතුද්දෙසො නිට්ඨිතො.

තිංස නිස්සග්ගියා පාවිත්තියා ධම්මා

ඉමෙ බො පනායස්මන්තො තිංස නිස්සග්ගියා පාවිත්තියා ධම්මා උද්දෙසං ආගච්ඡන්ති.

1. නිට්ඨිතච්චරස්මිං හික්ඛුනා උඛ්භතස්මිං කඨිනෙ දසාහපරමං අතිරෙකච්චරං ධාරෙතඛ්බං. තං

²³ පාඨාජක පාළි පි. 492.
²⁴ පාඨාජක පාළි පි. 496.

අතික්කාමයතො නිස්සග්ගියං පාවිත්තියං.²⁵

2. නිට්ඨිතච්චරස්මිං භික්ඛුනා උඛ්භතස්මිං කඨිනෙ ඵකරත්තම්පි චෙ භික්ඛු නිච්චරෙන විජ්ජවසෙය්‍ය අඤ්ඤත්‍ර භික්ඛසම්මතියා, නිස්සග්ගියං පාවිත්තියං.²⁶
3. නිට්ඨිතච්චරස්මිං භික්ඛුනා උඛ්භතස්මිං කඨිනෙ භික්ඛුනො පනෙව අකාලච්චරං උජ්ජජ්ජෙය්‍ය, ආකංඛමානෙන භික්ඛුනා පටිග්ගහෙනඛ්ඛං, පටිග්ගහෙත්වා ඛිජ්ජමෙව කාරෙතඛ්ඛං. නොචස්ස පාරිපූරි, මාසපරමං තෙන භික්ඛුනා තං ච්චරං නික්ඛිපිතඛ්ඛං උග්ගස්ස පාරිපූරියා සතියා පච්චාසාය, තතො චෙ උත්තරිං නික්ඛිපෙය්‍ය සතියාපි පච්චාසාය, නිස්සග්ගියං පාවිත්තියං.²⁷
4. යො පන භික්ඛු අඤ්ඤාතිකාය භික්ඛුනියා පුරාණච්චරං ධොවාපෙය්‍ය වා රජාපෙය්‍ය වා ආකොටාපෙය්‍ය වා නිස්සග්ගියං පාවිත්තියං.²⁸
5. යො පන භික්ඛු අඤ්ඤාතිකාය භික්ඛුනියා හත්ථතො ච්චරං පටිග්ගණ්භෙය්‍ය අඤ්ඤත්‍ර පාරිච්චිට්ඨකා, නිස්සග්ගියං පාවිත්තියං.²⁹
6. යො පන භික්ඛු අඤ්ඤාතකං ගහපතීං වා ගහපතානීං වා ච්චරං විඤ්ඤාපෙය්‍ය අඤ්ඤත්‍ර සමයා, නිස්සග්ගියං පාවිත්තියං, තත්ථායං සමයො: අච්ඡන්තච්චරො වා හොති

²⁵ පාරාජික පාළි පි. 500.

²⁶ පාරාජික පාළි පි. 504.

²⁷ පාරාජික පාළි පි. 512.

²⁸ පාරාජික පාළි පි. 518.

²⁹ පාරාජික පාළි පි. 524.

හික්බි නට්ඨවීචරො වා. අයං තත්ථ සමයො.³⁰

7. තඤ්ඤෙ අඤ්ඤාතකො ගහපති වා ගහපතානී වා බහුහි වීචරෙහි අභිහට්ඨං පචාරෙය්‍ය, සන්තරුක්තරපරමං තෙන හික්බිනා තතො වීචරං සාදිතබ්බං. තතො වෙ උත්තරිං සාදියෙය්‍ය, නිස්සග්ගියං පාවිත්තියං.³¹
8. හික්බිං පනෙව උද්දිස්ස අඤ්ඤාතකස්ස ගහපතිස්ස වා ගහපතානියා වා වීචරචෙතාපන්නං උපක්ඛටං හොති, ඉමිනා වීචරචෙතාපන්නෙන වීචරං චෙතාපෙත්වා ඉත්ථන්නාමං හික්බිං වීචරෙන අච්ඡාදෙස්සාමී'ති. තත්‍ර චෙසො හික්බි පුබ්බෙ අප්පචාරිතො උපසංකමිත්වා වීචරෙ විකප්පං ආපජ්ජෙය්‍ය: සාධු වත මං ආයස්මා ඉමිනා වීචරචෙතාපන්නෙන ඵචරුපං වා ඵචරුපං වා වීචරං චෙතාපෙත්වා අච්ඡාදෙහී'ති කල්‍යාණකම්‍යතං උපාදාය, නිස්සග්ගියං පාවිත්තියං.³²
9. හික්බිං පනෙව උද්දිස්ස උභින්නං අඤ්ඤාතකානං ගහපතීනං වා ගහපතානීනං වා පච්චෙකවීචරචෙතාපන්නා උපක්ඛටා හොන්ති. ඉමෙහි මයං පච්චෙකවීචරචෙතාපන්නෙහි පච්චෙකවීචරානි චෙතාපෙත්වා ඉත්ථන්නාමං හික්බිං වීචරෙහි අච්ඡාදෙස්සාමාහි. තත්‍ර චෙසො හික්බි පුබ්බෙ අප්පචාරිතො උපසංකමිත්වා වීචරෙ විකප්පං

³⁰ පාරාජික පාළි පි. 530.
³¹ පාරාජික පාළි පි. 534.
³² පාරාජික පාළි පි. 536.

ආපජ්ජේයා: සාධු වත මං ආයස්මන්තො
 ඉමෙහි පච්චෙකච්චරචෙතාපන්තෙහි ඵවරූපං
 වා ඵවරූපං වා චීවරං චෙතාපෙත්වා
 අච්ඡාදෙථ. උභො'ව සන්තා ඵකෙනාති,
 කලාණකම්මානං උපාදාය, නිස්සග්ගියං
 පාවිත්තියං.³³

10. හික්ඛුං පනෙව උද්දිස්ස රාජා වා රාජභොග්ගො
 චා බ්‍රාහ්මණො වා ගහපතිකො වා දුතෙන
 චීවරචෙතාපන්නං පහිණෙය්‍ය: 'ඉමිනා
 චීවරචෙතාපන්නෙන චීවරං චෙතාපෙත්වා
 ඉත්ථන්නාමං හික්ඛුං චීවරෙන අච්ඡාදෙහි"ති.
 සො චෙ දුතො තං හික්ඛුං උපසංකමිත්වා ඵවං
 වදෙය්‍ය: 'ඉදං ඛො භන්තෙ ආයස්මන්තං
 උද්දිස්ස චීවරචෙතාපන්නං ආහතං.
 පතිගණ්භාතු ආයස්මා චීවරචෙතාපන්නන්ති".
 තෙන හික්ඛුනා සො දුතො ඵවමස්ස
 වචනීයො: 'න ඛො මයං ආචුසො
 චීවරචෙතාපන්නං පතිගණ්භාම, චීවරඤ්ච ඛො
 මයං පතිගණ්භාම කාලෙන කප්පිය'න්ති. සො
 චෙ දුතො තං හික්ඛුං ඵවං වදෙය්‍ය: "අත්ථී
 පනායස්මතො කොචී වෙය්‍යාවච්චකරො'ති
 චීවරත්ථීකෙන හික්ඛවෙ හික්ඛුනා
 වෙය්‍යාවච්චකරො නිද්දිසිතඛිඛො ආරාමිකො වා
 උපාසකො වා, 'ඵසො ඛො ආචුසො හික්ඛුනං
 වෙය්‍යාවච්චකරො"ති. සො චෙ දුතො තං
 වෙය්‍යාවච්චකරං සඤ්ඤාපෙත්වා තං හික්ඛුං
 උපසංකමිත්වා ඵවං වදෙය්‍ය: 'යං ඛො භන්තෙ
 ආයස්මා වෙය්‍යාවච්චකරං නිද්දිසි,

³³ පාරාජික පාළි පි. 542.

සඤ්ඤත්තො සො මයා, උපසංකමතු ආයස්මා කාලෙන, චීවරෙන තං අච්ඡාදෙස්සති'ති. චීවරත්ථිකෙන භික්ඛවෙ භික්ඛුනා වෙය්‍යවච්චකරො උපසංකමිත්වා ද්වත්තික්ඛත්තුං චොදෙනඛ්බො සාරෙනඛ්බො: 'අත්ථො මෙ ආචුසො චීවරනාති; ද්වත්තික්ඛත්තුං චොදයමානො සාරයමානො තං චීවරං අභිනිප්ඵාදෙය්‍ය, ඉච්චෙනං කුසලං. නො චෙ අභිනිප්ඵාදෙය්‍ය, චතුක්ඛත්තුං පඤ්චක්ඛත්තුං ඡක්ඛත්තුං පරමං තුණ්හිභුතෙන උද්දිස්ස යාතඛ්බං. චතුක්ඛත්තුං පඤ්චක්ඛත්තුං ඡක්ඛත්තුං පරමං තුණ්හිභුතො උද්දිස්ස තිට්ඨමානො තං චීවරං අභිනිප්ඵාදෙය්‍ය, ඉච්චෙනං කුසලං. තනො චෙ උත්තරිං වායමමානො තං චීවරං අභිනිප්ඵාදෙය්‍ය නිස්සග්ගියං පාවිත්තියං නො චෙ අභිනිප්ඵාදෙය්‍ය යතස්ස චීවරචෙතාපන්නං ආහතං, තත්ථ සාමං වා ගන්තඛ්බං දුතො වා පාහෙතඛ්බො: 'යං ඛො තුම්හෙ ආයස්මන්තො භික්ඛුං උද්දිස්ස චීවරචෙතාපන්නං පහිණිත්ථ, න තං තස්ස භික්ඛුනො කිඤ්චි අත්ථං අනුභොති. යුඤ්ජන්තායස්මන්තො සකං මා වො සකං විනස්සා'ති. අයං තත්ථ සාමිචී.³⁴

චීවර වග්ගො පඨමො

11. යො පන භික්ඛු කොසියමිස්සකං සන්ථතං කාරාපෙය්‍ය, නිස්සග්ගියං පාවිත්තියං.³⁵

³⁴ පාඨාජක පාළි පි. 550.

³⁵ පාඨාජක පාළි පි. 554.

12. යො පන භික්ඛු සුද්ධකාලකානං
එළකලොමානං සන්ථතං කාරාපෙය්‍ය,
නිස්සග්ගියං පාවිත්තියං.³⁶

13. නවං පන භික්ඛුනා සන්ථතං කාරයමානෙන
ද්වෙ භාගා සුද්ධකාලකානං එළකලොමානං
ආදාතබ්බා, තතියං ඔදාතානං, චතුත්ථං
ගොවරියානං. අනාදා වෙ භික්ඛු ද්වෙ භාගෙ
සුද්ධකාලකානං එළකලොමානං තතියං
ඔදාතානං, චතුත්ථං ගොවරියානං, නවං
සන්ථතං කාරාපෙය්‍ය, නිස්සග්ගියං
පාවිත්තියං.³⁷

14. නවං පන භික්ඛුනා සන්ථතං කාරාපෙත්වා
ඡබ්බස්සානි ධාරෙතබ්බං. ඔරෙන වෙ
ඡන්තං තං සන්ථතං විස්සජ්ජෙත්වා වා
අවිස්සජ්ජෙත්වා වා අඤ්ඤං නවං සන්ථතං
කාරාපෙය්‍ය, අඤ්ඤා භික්ඛුසම්මුතියා,
නිස්සග්ගියං පාවිත්තියං.³⁸

15. නිසීදනසන්ථතං පන භික්ඛුනා කාරයමානෙන
පුරාණසන්ථතස්ස සාමන්තා සුගතවිදත්ථී
ආදාතබ්බා දුබ්බණ්ණකරණාය. අනාදා වෙ
භික්ඛු පුරාණසන්ථතස්ස සාමන්තා
සුගතවිදත්ථී නවං නිසීදනසන්ථතං
කාරාපෙය්‍ය, නිස්සග්ගියං පාවිත්තියං.³⁹

³⁶ පාඨාජක පාළි පි. 556.
³⁷ පාඨාජක පාළි පි. 560.
³⁸ පාඨාජක පාළි පි. 564.
³⁹ පාඨාජක පාළි පි. 570.

16. හික්බුනො පනෙව අද්ධානමග්ගප්පටිපන්තස්ස ඵලකලොමානි උප්පජ්ජෙය්‍යං, ආකංඛමානෙන හික්බුනා පටිග්ගහෙනබ්බානි. පටිග්ගහෙත්වා තියොජනපරමං සහත්ථා හරිතබ්බානි අසන්තෙ භාරකෙ. තනො චෙ උත්තරිං හරෙය්‍ය අසන්තෙපි භාරකෙ නිස්සග්ගයං පාවිත්තියං.⁴⁰

17. යො පන හික්බු අඤ්ඤාතිකාය හික්බුනියා ඵලකලොමානි ධොවාපෙය්‍ය වා රජාපෙය්‍ය වා විජටාපෙය්‍ය වා, නිස්සග්ගියං පාවිත්තියං.⁴¹

18. යො පන හික්බු ජාතරූපරජතං උග්ගණ්හෙය්‍ය වා උග්ගණ්භාපෙය්‍ය වා උපනික්ඛිත්තං වා සාදිසෙය්‍ය, නිස්සග්ගියං පාවිත්තියං.⁴²

19. යො පන හික්බු නානප්පකාරකං රූපිය-සංචොභාරං සමාපජ්ජෙය්‍ය, නිස්සග්ගියං පාවිත්තියං.⁴³

20. යො පන හික්බු නානප්පකාරකං කයවික්කයං සමාපජ්ජෙය්‍ය, නිස්සග්ගියං පාවිත්තියං.⁴⁴

කොසිය වග්ගො දුතියො

21. දසාහපරමං අතිරෙකපත්තො ධාරෙතබ්බො, තං අතික්කාමයතො, නිස්සග්ගියං පාවිත්තියං.⁴⁵

22. යො පන හික්බු උභතපඤ්චබන්ධනෙන පත්තෙන අඤ්ඤං නවං පත්තං චෙතාපෙය්‍ය,

⁴⁰ පාරාජික පාළි පි. 572.

⁴¹ පාරාජික පාළි පි. 576.

⁴² පාරාජික පාළි පි. 580.

⁴³ පාරාජික පාළි පි. 584.

⁴⁴ පාරාජික පාළි පි. 590.

⁴⁵ පාරාජික පාළි පි. 594.

නිස්සග්ගියං පාවිත්තියං. තෙන භික්ඛුනා සො පත්තො භික්ඛුපරිසාය නිස්සජ්ජනබ්බො, යො ච තස්සා භික්ඛුපරිසාය පත්තපරියන්තො සො තස්ස භික්ඛුනො පදාතබ්බො 'අයං තෙ භික්ඛු පත්තො යාව හෙදනාය ධාරෙතබ්බො'ති. අයං තත්ථ සාමීචි.⁴⁶

23. යානි බො පන තානි ගිලානානං භික්ඛුනං පටිසායනීයානි හෙසජ්ජානි සෙය්‍යථීදං: සප්පි නවනීතං තෙලං මධු ඵාණිතං, තානි පටිග්ගහෙත්වා සත්තාහපරමං සන්තිධිකාරකං පරිභුඤ්ජිතබ්බානි. තං අතික්කාමයතො නිස්සග්ගියං පාවිත්තියං.⁴⁷

24. මාසො සෙසො ගිම්භානන්ති භික්ඛුනා චස්සිකසාට්ඨිචරං පරියෙසිතබ්බං. අද්ධමාසො සෙසො ගිම්භානන්ති කත්වා නිවාසෙතබ්බං. ඔරෙන චෙ මාසො සෙසො ගිම්භානන්ති චස්සිකසාට්ඨිචරං පරියෙසෙය්‍ය, ඔරෙනද්ධ- මාසො සෙසො ගිම්භානන්ති කත්වා නිවාසෙය්‍ය, නිස්සග්ගියං පාවිත්තියං.⁴⁸

25. යො පන භික්ඛු භික්ඛුස්ස සාමං චීවරං දත්වා කුපිතො අනත්තමතො අච්ඡන්දෙය්‍ය වා අච්ඡන්දාපෙය්‍ය වා නිස්සග්ගියං පාවිත්තියං.⁴⁹

26. යො පන භික්ඛු සාමං සුත්තං විඤ්ඤාපෙත්වා තත්තවායෙහි චීවරං වායාපෙය්‍ය, නිස්සග්ගියං

⁴⁶ පාඨාජක පාළි පි. 600.

⁴⁷ පාඨාජක පාළි පි. 610.

⁴⁸ පාඨාජක පාළි පි. 614.

⁴⁹ පාඨාජක පාළි පි. 618.

පාවිත්තිය.⁵⁰

27. හික්බුං පනෙව උද්දිස්ස අඤ්ඤාතකො ගහපති වා ගහපතානී වා තන්තවායෙහි චීවරං වායාපෙය්‍ය, තත්‍ර චෙ සො හික්බු පුබ්බෙ අප්පචාරිතො තන්තවායෙ උපසංකම්භ්වා චීවරෙ විකප්පං ආපජ්ජෙය්‍ය: 'ඉදං ඛො ආචුසො චීවරං මං උද්දිස්ස වියාති, ආයතඤ්ඤව කරොථ විත්ථතඤ්ඤව අප්පිතඤ්ඤව සුචිතඤ්ඤව සුප්පවායිතඤ්ඤව සුවිලෙඛිතඤ්ඤව සුවිතච්ඡිතංව කරොථ, අප්පෙවනාම මයම්පි ආයස්මන්තානං කිඤ්චිමත්තං අනුපදජ්ජෙය්‍යාමා'ති, එවඤ්ඤව සො හික්බු චත්වා කිඤ්චිමත්තං අනුපදජ්ජෙය්‍ය අන්තමසො පිණ්ඩපාතමත්තම්පි, නිස්සගියං පාවිත්තියං.⁵¹

28. දසාභානාගතං කත්තිකතෙමාසිකපුණ්ණමං හික්බුනො පනෙව අච්චෙකචීවරං උප්පජ්ජෙය්‍ය, අච්චෙකං මඤ්ඤමානෙන හික්බුනා පටිග්ගහෙනඛ්බං, පටිග්ගහෙන්වා යාව චීවරකාලසමයං නික්ඛිපිතඛ්බං. තතො චෙ උත්තරිං නික්ඛිපෙය්‍ය, නිස්සගියං පාවිත්තියං.⁵²

29. උපචස්සං ඛො පන කත්තිකපුණ්ණමං යානි ඛො පන තානි ආරඤ්ඤකානි සෙනාසනානි සාසංකසම්මතානි සප්පට්ඨයානි, තථාරූපෙසු හික්බු සෙනාසනෙසු විහරන්තො ආකංඛමානො තිණ්ණං චීවරානං අඤ්ඤතරං

⁵⁰ පාරාජික පාළි පි. 620.
⁵¹ පාරාජික පාළි පි. 624.
⁵² පාරාජික පාළි පි. 630.

විවරං අන්තරසරෙ නික්ඛිපෙය්‍ය. සියා ච තස්ස
 හික්ඛුනො කොච්ඡෙච පච්චයො තෙන
 විවරෙන විජ්ජවාසාය, ඡාරත්තපරමං. තෙන
 හික්ඛුනා තෙන විවරෙන
 විජ්ජවසිතඛිඛං. තතො චෙ උත්තරිං
 විජ්ජවසෙය්‍ය අඤ්ඤත්‍ර හික්ඛුසම්මුතියා,
 නිස්සග්ගියං පාවිත්තියං.⁵³

30. යො පන හික්ඛු ඡානං සංඝිකං ලාභං පරිණතං
 අත්තනො පරිණාමෙය්‍ය, නිස්සග්ගියං
 පාවිත්තියං.⁵⁴

පත්ත වග්ගො තතියො

උද්දිට්ඨා ඛො ආයස්මන්තො තිංසනිස්සග්ගියා
 පාවිත්තියා ධම්මා. තත්ථායස්මන්තෙ පුච්ඡාමි:
 කච්චිත්ථ පරිසුද්ධා? දුතියම්පි පුච්ඡාමි: කච්චිත්ථ
 පරිසුද්ධා? තතියම්පි පුච්ඡාමි: කච්චිත්ථ පරිසුද්ධා?
 පරිසුද්ධෙත්ථායස්මන්තො. තස්මා තුණ්හි.
 ඵවමෙතං ධාරයාමි'ති.⁵⁵

නිස්සග්ගියා පාවිත්තියා නිට්ඨිතා.

⁵³ පාඨානුක පාළි පි. 634.

⁵⁴ පාඨානුක පාළි පි. 638.

⁵⁵ පාඨානුක පාළි පි. 640.

ද්වේනවුති පාවිත්තියා ධම්මා

ඉමෙ ඛො පනයස්මන්තො ද්වේනවුති පාවිත්තියා ධම්මා උද්දෙසං ආගච්ඡන්ති.

1. සම්පජාන මුසාවාදෙ පාවිත්තියං.⁵⁶
2. ඔමසවාදෙ පාවිත්තියං.⁵⁷
3. භික්ඛු පෙභ්බුඤ්ඤෙ පාවිත්තියං.⁵⁸
4. යො පන භික්ඛු අනුපසම්පන්නං පදසො ධම්මං වාචෙය්‍ය පාවිත්තියං.⁵⁹
5. යො පන භික්ඛු අනුපසම්පන්නෙන උත්තරං දිරත්තතිරත්තං සහසෙය්‍යං කප්පෙය්‍ය පාවිත්තියං.⁶⁰
6. යො පන භික්ඛු මාතුගාමෙන සහසෙය්‍යං කප්පෙය්‍ය පාවිත්තියං.⁶¹
7. යො පන භික්ඛු මාතුගාමස්ස උත්තරං ඡප්පඤ්චවාචාහි ධම්මං දෙසෙය්‍ය අඤ්ඤානු විඤ්ඤානා පුරිසවිග්ගහෙන පාවිත්තියං.⁶²
8. යො පන භික්ඛු අනුපසම්පන්නස්ස උත්තරිමුඤ්ඤාධම්මං ආරොචෙය්‍ය භුතස්මිං පාවිත්තියං.⁶³

⁵⁶ පාවිත්තිය පාළි පි. 4.

⁵⁷ පාවිත්තිය පාළි පි. 16.

⁵⁸ පාවිත්තිය පාළි පි. 42.

⁵⁹ පාවිත්තිය පාළි පි. 52.

⁶⁰ පාවිත්තිය පාළි පි. 58.

⁶¹ පාවිත්තිය පාළි පි. 64.

⁶² පාවිත්තිය පාළි පි. 70.

⁶³ පාවිත්තිය පාළි පි. 78.

9. යො පන හික්ඛු හික්ඛුස්ස දුට්ඨුල්ලං ආපත්තිං
අනුපසම්පන්නස්ස ආරොචෙය්‍ය අඤ්ඤතු
හික්ඛුසම්මුතියා පාවිත්තියං.⁶⁴

10. යො පන හික්ඛු පඨවිං ඛණ්ණෙය්‍ය වා
ඛණ්ණාපෙය්‍ය වා පාවිත්තියං.⁶⁵

මුසාවාද වග්ගො පඨමො.

11. භුතගාම පාතව්‍යතාය පාවිත්තියං.⁶⁶

12. අඤ්ඤවාදකෙ විහෙසකෙ පාවිත්තියං.⁶⁷

13. උජ්ඣාපනකෙ ඛියනකෙ පාවිත්තියං.⁶⁸

14. යො පන හික්ඛු සංඝිකං මඤ්චං වා පීඨං වා
හිසිං වා කොච්ඡං වා අජ්ඣෙකාකාසෙ
සන්ථරිත්වා වා සන්ථරාපෙත්වා වා තං
පක්කමන්තො නෙව උද්ධරෙය්‍ය න
උද්ධරාපෙය්‍ය අනාපුච්ඡං වා ගච්ඡෙය්‍ය
පාවිත්තියං.⁶⁹

15. යො පන හික්ඛු සංඝිකෙ විහාරෙ සෙය්‍යං
සන්ථරිත්වා වා සන්ථරාපෙත්වා වා තං
පක්කමන්තො නෙව උද්ධරෙය්‍ය න
උද්ධරාපෙය්‍ය අනාපුච්ඡං වා ගච්ඡෙය්‍ය
පාවිත්තියං.⁷⁰

⁶⁴ පාවිත්තිය පාළි පි. 98.

⁶⁵ පාවිත්තිය පාළි පි. 102.

⁶⁶ පාවිත්තිය පාළි පි. 106.

⁶⁷ පාවිත්තිය පාළි පි. 112.

⁶⁸ පාවිත්තිය පාළි පි. 118.

⁶⁹ පාවිත්තිය පාළි පි. 120.

⁷⁰ පාවිත්තිය පාළි පි. 124.

16. යො පන භික්ඛු සංඝිකෙ විහාරෙ ඡානං පුබ්බුපගතං භික්ඛුං අනුපබ්ඡේස සෙය්‍යං කප්පෙය්‍ය යස්ස සම්බාධො භවිස්සති යො පක්කම්ප්පතීති එතදෙව පච්චයං කරිත්වා අනඤ්ඤං පාවිත්තියං.⁷¹

17. යො පන භික්ඛු භික්ඛුං කුපිතො අනත්තමනො සංඝිකා විහාරා නික්කච්චෙය්‍ය වා නික්කච්චාපෙය්‍ය වා පාවිත්තියං.⁷²

18. යො පන භික්ඛු සංඝිකෙ විහාරෙ උපරි වෙහාසකුටියා ආහච්චපාදකං මඤ්චං වා පීඨං වා සහසා අභිනිසීදෙය්‍ය වා අභිනිපජ්ජෙය්‍ය වා පාවිත්තියං.⁷³

19. මහල්ලකං පන භික්ඛුනා විහාරං කාරයමානෙන යාව ද්වාරකොසා අග්ගලට්ඨපනාය ආලොකසන්ධිපරිකම්මාය ද්වත්තිච්ඡදනස්ස පරියායං අප්පහරිතෙ ධීතෙන අධිට්ඨාතඛ්ඛං, තතො චෙ උත්තරිං අප්පහරිතෙ පි ධීතො අධිට්ඨහෙය්‍ය පාවිත්තියං.⁷⁴

20. යො පන භික්ඛු ඡානං සප්පාණකං උදකං තිණං වා මත්තිකං වා සිඤ්ඤෙය්‍ය වා සිඤ්ඤාපෙය්‍ය වා පාවිත්තියං.⁷⁵

නුතගාම වග්ගො දැනියො

⁷¹ පාවිත්තිය පාළි පි. 128.

⁷² පාවිත්තිය පාළි පි. 132.

⁷³ පාවිත්තිය පාළි පි. 136.

⁷⁴ පාවිත්තිය පාළි පි. 140.

⁷⁵ පාවිත්තිය පාළි පි. 142.

21. යො පන හික්ඛු අසම්මනො හික්ඛුනියො ඔවදෙය්‍ය පාවිත්තියං.⁷⁶
22. සම්මනොපි චෙ හික්ඛු අත්ථංගනෙ සුරියෙ හික්ඛුනියො ඔවදෙය්‍ය පාවිත්තියං.⁷⁷
23. යො පන හික්ඛු හික්ඛුනුපස්සයං උපසංකමිත්වා හික්ඛුනියො ඔවදෙය්‍ය අඤ්ඤත්‍ර සමයා පාවිත්තියං, තත්ථායං සමයො ගිලානා හොති හික්ඛුනී, අයං තත්ථ සමයො.⁷⁸
24. යො පන හික්ඛු එවං වදෙය්‍ය ආමිසහෙත්‍ර හික්ඛු හික්ඛුනියො ඔවදන්තීති පාවිත්තියං.⁷⁹
25. යො පන හික්ඛු අඤ්ඤාතිකාය හික්ඛුනියා චීවරං දදෙය්‍ය අඤ්ඤත්‍ර පාරිවට්ටකා පාවිත්තියං.⁸⁰
26. යො පන හික්ඛු අඤ්ඤාතිකාය හික්ඛුනියා චීවරං සිඛ්බෙය්‍ය වා සිඛ්බාපෙය්‍ය වා පාවිත්තියං.⁸¹
27. යො පන හික්ඛු හික්ඛුනියා සද්ධිං සංවිධාය එකද්ධානමග්ගං පටිපජ්ජෙය්‍ය අත්තමසො ගාමන්තරමිපි අඤ්ඤත්‍ර සමයා පාවිත්තියං. තත්ථායං සමයො සත්ථගමනියො හොති මග්ගො. සාසංකසම්මනො, සජ්ජට්ඨයො අයං තත්ථ සමයො.⁸²

⁷⁶ පාවිත්තිය පාළි පි. 148.

⁷⁷ පාවිත්තිය පාළි පි. 160.

⁷⁸ පාවිත්තිය පාළි පි. 164.

⁷⁹ පාවිත්තිය පාළි පි. 168.

⁸⁰ පාවිත්තිය පාළි පි. 174.

⁸¹ පාවිත්තිය පාළි පි. 178.

⁸² පාවිත්තිය පාළි පි. 182.

28. යො පන භික්ඛු භික්ඛුනියා සද්ධිං සංවිධාය
එකං නාටං අභිරුහෙය්‍ය උද්ධගාමිනිං වා
අධොගාමිනිං වා අඤ්ඤත්‍ර නිරියං තරණාය
පාවිත්තියං.⁸³

29. යො පන භික්ඛු ජානං භික්ඛුනීපරිපාවිතං
පිණ්ඩපාතං භුඤ්ජෙය්‍ය අඤ්ඤත්‍ර පුඛ්ඛෙ
ගිහිසමාරම්භා පාවිත්තියං.⁸⁴

30. යො පන භික්ඛු භික්ඛුනියා සද්ධිං එකො
එකාය රහො නිසජ්ජං කප්පෙය්‍ය පාවිත්තියං.⁸⁵

භික්ඛුනොවාද වග්ගො තතියො.

31. අගිලානෙන භික්ඛුනා එකො ආවසප්පිණ්ඩො
භුඤ්ජිතඛ්ඛො තනො වෙ උත්තරිං භුඤ්ජෙය්‍ය
පාවිත්තියං.⁸⁶

32. ගණභොජනෙ අඤ්ඤත්‍ර සමයා පාවිත්තියං,
තත්ථායං සමයො ගිලානසමයො
වීචරදානසමයො වීචරකාරසමයො
අද්ධානගමනසමයො නාවාභිරුහනසමයො
මහාසමයො සමණභත්තසමයො, අයං තත්ථ
සමයො.⁸⁷

⁸³ පාවිත්තිය පාළි පි. 186.

⁸⁴ පාවිත්තිය පාළි පි. 192.

⁸⁵ පාවිත්තිය පාළි පි. 196.

⁸⁶ පාවිත්තිය පාළි පි. 202.

⁸⁷ පාවිත්තිය පාළි පි. 210.

33. පරම්පරභොජනෙ අඤ්ඤත්‍ර සමයො පාවිත්තියං,
 තත්ථායං සමයො ගිලානසමයො
 චීවරදානසමයො චීවරකාරසමයො අයං තත්ථ
 සමයො.⁸⁸
34. භික්ඛුං පනෙව කුලං උපගතං පූවෙහි වා
 මන්ථෙහි වා අභිහට්ඨං පචාරෙය්‍ය,
 ආකංඛමානෙන භික්ඛුනා ද්වත්තිපත්තපුරා
 පටිග්ගහෙනඛිබ්බා. තතො වෙ උත්තරිං
 පටිග්ගහෙය්‍ය පාවිත්තියං, ද්වත්තිපත්තපුරෙ
 පටිග්ගහෙත්වා තතො නීහරිත්වා භික්ඛුහි සිද්ධිං
 සංවිහජ්ජතඛිබ්බං, අයං තත්ථ සාමීචී.⁸⁹
35. යො පන භික්ඛු භුත්තාවි පචාරිතො
 අනතිරිත්තං බාදනීයං වා භොජනීයං වා
 බාදෙය්‍ය වා භුඤ්ජෙය්‍ය වා පාවිත්තියං.⁹⁰
36. යො පන භික්ඛු භික්ඛුං භුත්තාවිං පචාරිතං
 අනතිරිත්තෙන බාදනීයෙන වා භොජනීයෙන
 වා අභිහට්ඨං පචාරෙය්‍ය හන්ද භික්ඛු බාද වා
 භුඤ්ජ වා'ති ජානං ආසාදනාපෙක්ඛො
 භුත්තස්මිං පාවිත්තියං.⁹¹
37. යො පන භික්ඛු විකාලෙ බාදනීයං වා
 භොජනීයං වා බාදෙය්‍ය වා භුඤ්ජෙය්‍ය වා
 පාවිත්තියං.⁹²
38. යො පන භික්ඛු සන්තිධිකාරකං බාදනීයං වා
 භොජනීයං වා බාදෙය්‍ය වා භුඤ්ජෙය්‍ය වා

⁸⁸ පාවිත්තිය පාළි පි. 218.

⁸⁹ පාවිත්තිය පාළි පි. 224.

⁹⁰ පාවිත්තිය පාළි පි. 230.

⁹¹ පාවිත්තිය පාළි පි. 234.

⁹² පාවිත්තිය පාළි පි. 238.

පාවිත්තිය.⁹³

39. යානි බො පන තානි පණිතභොජනානි සෙය්‍යථීදං: සජ්ජි නවනීතං තෙලං මධු ඵාණිතං මච්ඡො මංසං බීරං දධි. යො පන භික්ඛු ඵවරුපානි පණිතභොජනානි අගිලානො අත්තනො අත්ථාය විඤ්ඤාපෙත්වා භුඤ්ජෙය්‍ය පාවිත්තියං.⁹⁴

40. යො පන භික්ඛු අදිත්තං මුඛද්වාරං ආහාරං ආහරෙය්‍ය අඤ්ඤත්‍ර උදකදත්තපොනා පාවිත්තියං.⁹⁵

භොජන වග්ගො වතුත්ථො.

41. යො පන භික්ඛු අවෙලකස්ස වා පරිබ්බාජකස්ස වා පරිබ්බාජකාය වා සහත්ථා බාදනීයං වා භොජනීයං වා දදෙය්‍ය පාවිත්තියං.⁹⁶

42. යො පන භික්ඛු භික්ඛුං ඵභාවුසො ගාමං වා නිගමං වා පිණ්ඩාය පච්ඡිස්සාමානි තස්ස දාපෙත්වා වා අදාපෙත්වා වා උයොයාජෙය්‍ය ගච්ඡාවුසො න මෙ තයා සද්ධිං කථා වා නිසජ්ජා වා ඵාසු භොති ඵකකස්ස මෙ කථා වා නිසජ්ජා වා ඵාසු භොතීති. ඵතදෙව පච්චයං කරිත්වා අනඤ්ඤං පාවිත්තියං.⁹⁷

⁹³ පාවිත්තිය පාළි පි. 242.
⁹⁴ පාවිත්තිය පාළි පි. 246.
⁹⁵ පාවිත්තිය පාළි පි. 250.
⁹⁶ පාවිත්තිය පාළි පි. 254.
⁹⁷ පාවිත්තිය පාළි පි. 256.

43. යො පන භික්ඛු සභොජනෙ කුලෙ අනුපබ්ජිජ
නිසජ්ජං කප්පෙය්‍ය පාවිත්තියං.⁹⁸

44. යො පන භික්ඛු මාතුගාමෙන සද්ධිං රහො
පටිච්ඡන්තො ආසනෙ නිසජ්ජං කප්පෙය්‍ය
පාවිත්තියං.⁹⁹

45. යො පන භික්ඛු මාතුගාමෙන සද්ධිං එකො
එකාය රහො නිසජ්ජං කප්පෙය්‍ය පාවිත්තියං.¹⁰⁰

46. යො පන භික්ඛු නිමන්තිතො සහත්තො
සමානො සන්තං භික්ඛුං අනාපුච්ඡා
පුරෙහත්තං වා පච්ඡාහත්තං වා කුලෙසු
චාරිත්තං ආපජ්ජෙය්‍ය අඤ්ඤත්‍ර සමයා
පාවිත්තියං, තත්ථායං සමයො;
චිවරදානසමයො චිවරකාර සමයො, අයං තත්ථ
සමයො.¹⁰¹

47. අගිලානෙන භික්ඛුනා වාතුමාසප්පච්චය-
පචාරණා සාදිතබ්බා අඤ්ඤත්‍ර පුන පචාරණාය
අඤ්ඤත්‍ර නිච්චපචාරණාය තතො වෙ උත්තරිං
සාදියෙය්‍ය පාවිත්තියං.¹⁰²

48. යො පන භික්ඛු උය්‍යුත්තං සෙනං
දස්සනාය ගච්ඡෙය්‍ය අඤ්ඤත්‍ර
තථාරූපප්පච්චයා පාවිත්තියං.¹⁰³

⁹⁸ පාවිත්තිය පාළි පි. 260.

⁹⁹ පාවිත්තිය පාළි පි. 264.

¹⁰⁰ පාවිත්තිය පාළි පි. 266.

¹⁰¹ පාවිත්තිය පාළි පි. 274.

¹⁰² පාවිත්තිය පාළි පි. 280.

¹⁰³ පාවිත්තිය පාළි පි. 286.

49. සියා ච තස්ස භික්ඛුනො කොච්ඡෙච පච්චයා
සෙනං ගමනාය දිරත්තතිරත්තං තෙන භික්ඛුනා
සෙනාය වසිතබ්බං තතො චෙ උත්තරිං
වසෙය්‍ය පාවිත්තියං.¹⁰⁴

50. දිරත්තතිරත්තං චෙ භික්ඛු සෙනාය වසමානො
උයෙයාධිකං වා බලග්ගං වා සෙනාඛ්‍යුහං වා
අභිකදස්සනං වා ගච්ඡෙය්‍ය පාවිත්තියං.¹⁰⁵

අචෙලක වග්ගො පඤ්චමො.

51. සුරාමෙරයපානෙ පාවිත්තියං.¹⁰⁶

52. අංගුලිපතොදකෙ පාවිත්තියං.¹⁰⁷

53. උදකෙ හස්සධම්මෙ පාවිත්තියං.¹⁰⁸

54. අනාදරියෙ පාවිත්තියං.¹⁰⁹

55. යො පන භික්ඛු භික්ඛුං හිංසාපෙය්‍ය
පාවිත්තියං.¹¹⁰

56. යො පන භික්ඛු අගිලානො විසිබ්බනාපෙඛො
ජොතිං සමාදහෙය්‍ය වා සමාදහාපෙය්‍ය වා
අඤ්ඤත්‍ර කථාරූපජ්ජච්චයා පාවිත්තියං.¹¹¹

57. යො පන භික්ඛු ඔරෙනද්ධමාසං නහායෙය්‍ය
අඤ්ඤත්‍ර සමයා පාවිත්තියං. තත්ථායං සමයො:
දියච්චෙඨා මාසො සෙසො ගිම්හානන්ති

¹⁰⁴ පාවිත්තිය පාළි පි. 288.
¹⁰⁵ පාවිත්තිය පාළි පි. 292.
¹⁰⁶ පාවිත්තිය පාළි පි. 300.
¹⁰⁷ පාවිත්තිය පාළි පි. 302.
¹⁰⁸ පාවිත්තිය පාළි පි. 304.
¹⁰⁹ පාවිත්තිය පාළි පි. 306.
¹¹⁰ පාවිත්තිය පාළි පි. 310.
¹¹¹ පාවිත්තිය පාළි පි. 314.

වස්සානස්ස පටිමො මාසො ඉච්චෙනෙ
 අච්චිතෙයාමාසා උණ්භසමයො පරිලාභසමයො
 ගිලානසමයො කම්මසමයො
 අද්ධානගමනසමයො වාතවුට්ඨිසමයො අයං
 තත්ථ සමයො.¹¹²

58. නවං පන භික්ඛුනා වීචරලාභෙන තිණ්ණං
 දුබ්බණ්ණකරණානං අඤ්ඤතරං
 දුබ්බණ්ණකරණං ආදානබ්බං තීලං වා කද්දමං
 වා කාලසාමං වා, අනාදා චෙ භික්ඛු තිණ්ණං
 දුබ්බණ්ණකරණානං අඤ්ඤතරං
 දුබ්බණ්ණකරණං නවං වීචරං පරිභුඤ්ජෙය්‍ය
 පාවිත්තියං.¹¹³

59. යො පන භික්ඛු භික්ඛුස්ස වා භික්ඛුනියා වා
 සික්ඛමානාය වා සාමණෙරස්ස වා
 සාමණෙරියා වා සාමං වීචරං විකප්පෙත්වා
 අපච්චුද්ධාරකං පරිභුඤ්ජෙය්‍ය පාවිත්තියං.¹¹⁴

60. යො පන භික්ඛු භික්ඛුස්ස පත්තං වා වීචරං වා
 නිසීදනං වා සුච්ඡරං වා කායබන්ධනං වා
 අපනිධෙය්‍ය වා අපනිධාපෙය්‍ය වා අත්තමසො
 හස්සාපෙබ්බො පි පාවිත්තියං.¹¹⁵

සුරාපාන වග්ගො ඡට්ඨො.

61. යො පන භික්ඛු සඤ්චිච්ච පාණං ජීවිතා
 වොරොපෙය්‍ය පාවිත්තියං.¹¹⁶

¹¹² පාවිත්තිය පාළි පි. 322.
¹¹³ පාවිත්තිය පාළි පි. 324.
¹¹⁴ පාවිත්තිය පාළි පි. 328.
¹¹⁵ පාවිත්තිය පාළි පි. 332.
¹¹⁶ පාවිත්තිය පාළි පි. 336.

62. යො පන හික්ඛු ජානං සප්පාණකං උදකං පරිභුඤ්ජෙය්‍ය පාවිත්තියං.¹¹⁷
63. යො පන හික්ඛු ජානං යථාධම්මං නිහතාධිකරණං පුන කම්මාය උක්කොටෙය්‍ය පාවිත්තියං.¹¹⁸
64. යො පන හික්ඛු හික්ඛුස්ස ජානං දුට්ඨුල්ලං ආපත්තිං පටිච්ඡාදෙය්‍ය පාවිත්තියං.¹¹⁹
65. යො පන හික්ඛු ජානං උගතවීසතිවස්සං පුග්ගලං උපසම්පාදෙය්‍ය සො ච පුග්ගලො අනුපසම්පන්නො තෙ ච හික්ඛු ගාරය්භා ඉදං තස්මිං පාවිත්තියං.¹²⁰
66. යො පන හික්ඛු ජානං ටෙය්‍යසත්ථෙන සද්ධිං සංවිධාය එකද්ධානමග්ගං පටිපජ්ජෙය්‍ය අන්තමසො ගාමන්තරම්පි පාවිත්තියං.¹²¹
67. යො පන හික්ඛු මාතුගාමෙන සද්ධිං සංවිධාය එකද්ධානමග්ගං පටිපජ්ජෙය්‍ය අන්තමසො ගාමන්තරම්පි පාවිත්තියං.¹²²
68. යො පන හික්ඛු එවං වදෙය්‍ය, තථාහං භගවතා ධම්මං දෙසිතං ආජානාමි යථා යෙමෙ අන්තරායිකා ධම්මා චුත්තා භගවතා තෙ පටිසෙවතො නාලං අන්තරායායාති, සො හික්ඛු හික්ඛුහි එවමස්ස වචනීයො, මා ආයස්මා එවං අවච, මා භගවන්තං අබ්භාවික්ඛි, නහි

¹¹⁷ පාවිත්තිය පාළි පි. 338.

¹¹⁸ පාවිත්තිය පාළි පි. 340.

¹¹⁹ පාවිත්තිය පාළි පි. 344.

¹²⁰ පාවිත්තිය පාළි පි. 348.

¹²¹ පාවිත්තිය පාළි පි. 352.

¹²² පාවිත්තිය පාළි පි. 354.

සාධු භගවතො අඛිභක්ඛානං, නහි භගවා ඵවං වදෙය්‍ය, අනෙකපරියායෙන ආවුසො, අන්තරායිකා ධම්මා අන්තරායිකා චුත්තා භගවතා අලඤ්ච පන තෙ පටිසෙවතො අන්තරායායාති. ඵවඤ්ච පන සො හික්ඛු හික්ඛුහි චුච්චමානො තථෙව පග්ගණ්ඨෙය්‍ය සො හික්ඛු හික්ඛුහි යාවතතියං සමනුභාසිතඛ්ඛො තස්ස පටිනිස්සග්ගාය, යාවතතියං චෙ සමනුභාසියමානො තම්පටිනිස්සජ්ජෙය්‍ය ඉච්චෙතං කුසලං, නො චෙ පටිනිස්සජ්ජෙය්‍ය පාවිත්තියං.¹²³

69. යො පන හික්ඛු ජානං තථාචාදිනා හික්ඛුනා අකථානුධම්මෙන තං දිට්ඨිං අජ්ජටිනිස්සට්ඨෙත සද්ධිං සම්භුඤ්ඤෙය්‍ය වා සංවසෙය්‍ය වා සහවාසෙය්‍යං කජ්ජෙය්‍ය පාවිත්තියං.¹²⁴

70. සමණුද්දෙසොපි චෙ ඵවං වදෙය්‍ය, තථාහං භගවතා ධම්මං දෙසිතං ආජානාමි යථා යෙමෙ අන්තරායිකා ධම්මා චුත්තා භගවතා තෙ පටිසෙවතො නාලං අන්තරායායාති. සො සමණුද්දෙසො හික්ඛුහි ඵවමස්ස වචනීයො, මා ආවුසො සමණුද්දෙස, ඵවං අචච මා භගවත්තං අඛිභාවික්ඛි න හි සාධු භගවතො අඛිභක්ඛානං. න හි භගවා ඵවං වදෙය්‍ය. අනෙකපරියායෙන ආවුසො සමණුද්දෙස, අන්තරායිකා ධම්මා අන්තරායිකා චුත්තා භගවතා අලඤ්ච පන තෙ පටිසෙවතො අන්තරායායාති. ඵවඤ්ච පන

¹²³ පාවිත්තිය පාළි පි. 362.
¹²⁴ පාවිත්තිය පාළි පි. 366.

සො සමණුද්දෙසො භික්ඛුහි වුච්චමානො තථෙව පග්ගණ්ඨෙය්‍ය, සො සමණුද්දෙසො භික්ඛුහි ඵවමස්ස වචනීයො. අජ්ජනග්ගෙ තෙ ආචුසො සමණුද්දෙස, න චෙව සො හගවා සත්ථා අපදිසිතබ්බො. යම්පි චඤ්ඤෙ සමණුද්දෙසො ලහන්ති භික්ඛුහි සද්ධිං දිරත්තතිරත්තං සහසෙය්‍යං සාපි තෙ නත්ථී චර පරෙ විනස්සාති. යො පන භික්ඛු ජානං තථා නාසිතං සමණුද්දෙසං උපලාපෙය්‍ය වා උපට්ඨපෙය්‍ය වා සම්භුඤ්ජෙය්‍ය වා සහ වා සෙය්‍යං කප්පෙය්‍ය පාවිත්තියං.¹²⁵

සප්පාණක වග්ගො සත්තමො.

71. යො පන භික්ඛු භික්ඛුහි සහධම්මිකං වුච්චමානො ඵවං වදෙය්‍ය න තාවාහං ආචුසො, එතස්මිං සික්ඛාපදෙ සික්ඛිස්සාමි යාව න අඤ්ඤං භික්ඛුං ව්‍යත්තං විනයධරං පරිපුච්ඡාමි'ති පාවිත්තියං. සික්ඛමානෙන භික්ඛවෙ, භික්ඛුනා අඤ්ඤාතබ්බං පරිපුච්ඡතබ්බං පරිපඤ්ඤිතබ්බං අයං තත්ථ සාමීචි.¹²⁶

72. යො පන භික්ඛු පාතිමොක්ඛෙ උද්දිස්සමානෙ ඵවං වදෙය්‍ය කිං පනිමෙහි බුද්දානුබුද්දකෙහි සික්ඛාපදෙහි උද්දිට්ඨෙහි යාවදෙව කුක්කුච්චාය විහෙසාය විලෙඛාය සංවත්තන්තීති සික්ඛාපදවිචණ්ණකෙ පාවිත්තියං.¹²⁷

¹²⁵ පාවිත්තිය පාළි පි. 374.

¹²⁶ පාවිත්තිය පාළි පි. 380.

¹²⁷ පාවිත්තිය පාළි පි. 384.

73. යො පන භික්ඛු අන්වද්ධමාසං පාතිමොක්ඛෙ
 උද්දිස්සමානෙ එවං වදෙය්‍ය ඉදානෙව ඛො
 අභං ජානාමි අයම්පි කිර ධම්මො සුත්තාගතො
 සුත්තපරියාපන්තො අන්වද්ධමාසං උද්දෙසං
 ආගච්ඡතීති. තඤ්ඤෙ භික්ඛුං අඤ්ඤෙ භික්ඛු
 ජානෙය්‍යුං නිසින්තපුබ්බං ඉමිනා භික්ඛුනා
 ද්වන්තික්ඛන්තුං පාතිමොක්ඛෙ උද්දිස්සමානෙ
 කො පන වාදො හියෙය්‍යා න ච තස්ස
 භික්ඛුනො අඤ්ඤාණකෙන මුත්ති අත්ථි
 යඤ්ඤ ච තත්ථ ආපත්තිං ආපන්තො තඤ්ඤ
 යථාධම්මො කාරෙතඛ්ඛො උත්තරිං චස්ස
 මොහො ආරොපෙතඛ්ඛො තස්ස තෙ ආවුසො
 අලාභා තස්ස තෙ දුල්ලද්ධං යං ත්වං
 පාතිමොක්ඛෙ උද්දිස්සමානෙ න සාධුකං
 අට්ඨිකත්වා මනසිකරොසීති. ඉදං තස්මිං
 මොහනකෙ පාවිත්තියං.¹²⁸

74. යො පන භික්ඛු භික්ඛුස්ස කුපිතො
 අනත්තමනො පහාරං දදෙය්‍ය පාවිත්තියං.¹²⁹

75. යො පන භික්ඛු භික්ඛුස්ස කුපිතො
 අනත්තමනො තලසත්තිකං උග්ගිරෙය්‍ය
 පාවිත්තියං.¹³⁰

76. යො පන භික්ඛු භික්ඛුං අමුලකෙන
 සංසාදිසෙසෙන අනුද්ධංසෙය්‍ය පාවිත්තියං.¹³¹

77. යො පන භික්ඛු භික්ඛුස්ස සඤ්චිචච
 කුක්කුච්චං උපදහෙය්‍ය ඉතිස්ස මුහුත්තම්පි

¹²⁸ පාවිත්තිය පාළි පි. 388.
¹²⁹ පාවිත්තිය පාළි පි. 392.
¹³⁰ පාවිත්තිය පාළි පි. 396.
¹³¹ පාවිත්තිය පාළි පි. 398.

අඵාසු හවිස්සතී'ති එතදෙව පච්චයං කරිත්වා
අනඤ්ඤං පාවිත්තියං.¹³²

78. යො පන භික්ඛු භික්ඛුනං භණ්ඩනජාතානං
කලහජාතානං විවාදාපන්නානං
උපස්සුතිං තිට්ඨෙය්‍ය යං ඉමෙ භණ්ඩස්සන්ති තං
සොස්සාමී'ති එතදෙව පච්චයං කරිත්වා
අනඤ්ඤං පාවිත්තියං.¹³³

79. යො පන භික්ඛු ධම්මිකානං කම්මානං ඡන්දං
දත්වා පච්ඡා ඛියනධම්මං ආපජ්ජෙය්‍ය
පාවිත්තියං.¹³⁴

80. යො පන භික්ඛු සංඝෙ විනිච්ඡයකථාය
වත්තමානාය ඡන්දං අදත්වා උට්ඨායාසනා
පක්කමෙය්‍ය පාවිත්තියං.¹³⁵

81. යො පන භික්ඛු සමග්ගෙන සංඝෙන විචරං
දත්වා පච්ඡා ඛියනධම්මං ආපජ්ජෙය්‍ය
යථාසන්ථුතං භික්ඛු සංඝිකං ලාභං
පරිණාමෙන්තිති පාවිත්තියං.¹³⁶

82. යො පන භික්ඛු ජාතං සංඝිකං ලාභං පරිණතං
පුග්ගලස්ස පරිණාමෙය්‍ය පාවිත්තියං.¹³⁷

සහධම්මික වග්ගො අට්ඨමො.

83. යො පන භික්ඛු රඤ්ඤො ඛත්තියස්ස
මුද්ධාවසිත්තස්ස අනික්ඛන්නරාජකෙ
අනීහතරතනකෙ පුබ්බෙ අප්පට්ඨිසංවිදිතො

¹³² පාවිත්තිය පාළි පි. 400.
¹³³ පාවිත්තිය පාළි පි. 404.
¹³⁴ පාවිත්තිය පාළි පි. 408.
¹³⁵ පාවිත්තිය පාළි පි. 410.
¹³⁶ පාවිත්තිය පාළි පි. 412.
¹³⁷ පාවිත්තිය පාළි පි. 418.

ඉන්ද්‍රඛිලං අතික්කාමෙය්‍ය පාවිත්තියං.¹³⁸

84. යො පන භික්ඛු රතනං වා රතනසම්මකං වා අඤ්ඤත්‍ර අජ්ඣාරාමා වා අජ්ඣාවසථා වා උග්ගණ්භෙය්‍ය වා උග්ගණ්භාපෙය්‍ය වා පාවිත්තියං, රතනං වා පන භික්ඛුනා රතනසම්මකං වා අජ්ඣාරාමෙ වා අජ්ඣාවසථෙ වා උග්ගහෙත්වා වා උග්ගාහපෙත්වා වා නික්ඛිපිතඛිබ්බං, යස්ස භවිස්සති සො හරිස්සතීති. අයං තත්ථ සාමීචි.¹³⁹

85. යො පන භික්ඛු සන්තං භික්ඛුං අනාපුච්ඡා විකාලෙ ගාමං පවිසෙය්‍ය අඤ්ඤත්‍ර තථාරූපා අච්චායිකා කරණීයා පාවිත්තියං.¹⁴⁰

86. යො පන භික්ඛු අට්ඨිමයං වා දන්තමයං වා විසානමයං වා සුවිසරං කාරාපෙය්‍ය හෙදනකං පාවිත්තියං.¹⁴¹

87. නචං පන භික්ඛුනා මඤ්චං වා පීඨං වා කාරයමානෙන අට්ඨංගුලපාදකං කාරෙතඛිබ්බං සුගතංගුලෙන අඤ්ඤත්‍ර හෙට්ඨිමාය අට්ඨියා. තං අතික්කාමයතො ඡෙදනකං පාවිත්තියං.¹⁴²

88. යො පන භික්ඛු මඤ්චං වා පීඨං වා තුලොනද්ධං කාරාපෙය්‍ය උද්දාලනකං පාවිත්තියං.¹⁴³

¹³⁸ පාවිත්තිය පාළි පි. 428.

¹³⁹ පාවිත්තිය පාළි පි. 434.

¹⁴⁰ පාවිත්තිය පාළි පි. 440.

¹⁴¹ පාවිත්තිය පාළි පි. 444.

¹⁴² පාවිත්තිය පාළි පි. 446.

¹⁴³ පාවිත්තිය පාළි පි. 450.

89. නිසිදනං පන භික්ඛුනා කාරයමානෙන පමාණිකං කාරෙතබ්බං තත්ත්වං පමාණං, දීඝසො ද්වෙ විදත්ථියො සුගතවිදත්ථියා. තිරියං දියච්චං, දසා විදත්ථී, තං අතික්කාමයතො ඡෙදනකං පාවිත්තියං.¹⁴⁴

90. කණ්ඩුපට්ඨිජාදිං පන භික්ඛුනා කාරයමානෙන පමාණිකා කාරෙතබ්බා තත්ත්වං පමාණං, දීඝසො චතස්සො විදත්ථියො සුගතවිදත්ථියා තිරියං ද්වෙ විදත්ථියො තං අතික්කාමයතො ඡෙදනකං පාවිත්තියං.¹⁴⁵

91. චස්සිකසාට්ඨිකං පන භික්ඛුනා කාරයමානෙන පමාණිකා කාරෙතබ්බා. තත්ත්වං පමාණං දීඝසො ඡවිදත්ථියො සුගතවිදත්ථියා තිරියං අච්චතෙය්‍යා තං අතික්කාමයතො ඡෙදනකං පාවිත්තියං.¹⁴⁶

92. යො පන භික්ඛු සුගතච්චරප්පමාණං ච්චරං කාරාපෙය්‍ය අතිරෙකං වා ඡෙදනකං පාවිත්තියං. තත්ත්වං සුගතස්ස සුගතච්චරප්පමාණං, දීඝසො නවවිදත්ථියො සුගතවිදත්ථියා තිරියං ඡවිදත්ථියො ඉදං සුගතස්ස සුගතච්චරප්පමාණන්ති.¹⁴⁷

රාජ වග්ගො නවමො

(අතැම් පොත්චල රතන වග්ගො නවමො.)

¹⁴⁴ පාවිත්තිය පාළි පි. 452.

¹⁴⁵ පාවිත්තිය පාළි පි. 456.

¹⁴⁶ පාවිත්තිය පාළි පි. 458.

¹⁴⁷ පාවිත්තිය පාළි පි. 460.

උද්දිටියා බො ආයස්මන්තො ද්වෙනචුති
පාවිත්තියා ධම්මා, තත්ථායස්මන්තෙ පුච්ඡාමි,
කච්චිත්ථ පරිසුද්ධා? දුතියම්පි පුච්ඡාමි කච්චිත්ථ
පරිසුද්ධා? තතියම්පි පුච්ඡාමි කච්චිත්ථ පරිසුද්ධා?
පරිසුද්ධෙත්ථායස්මන්තො තස්මා තුණ්හි, එවමෙතං
ධාරයාමි'ති.¹⁴⁸

පාවිත්තියා නිට්ඨිතා.

¹⁴⁸ පාවිත්තිය පාළි පි. 462.

වත්තාරො පාට්ඨෙසනීයා ධම්මා

ඉමෙ ඛො පනායස්මන්තො වත්තාරො පාට්ඨෙසනීයා ධම්මා උද්දෙසං ආගච්ඡන්ති.

1. යො පන භික්ඛු අඤ්ඤාතිකාය භික්ඛුනීයා අන්තරසරං පවිට්ඨාය හත්ථතො ඛාදනීයං වා භොජනීයං වා සහත්ථා පටිග්ගහෙත්වා ඛාදෙය්‍ය වා භුඤ්ජෙය්‍ය වා පට්ඨෙසෙතඛිඛං තෙන භික්ඛුනා, ගාරය්හං ආවුසො ධම්මං ආපජ්ජිං අසප්පායං පාට්ඨෙසනීයං තං පට්ඨෙසෙමි.¹⁴⁹
2. භික්ඛු පනෙව කුලෙසු නිමන්තිතා භුඤ්ජන්තී තත්‍ර චෙ සා භික්ඛුනී වොසාසමානරූපා ධීතා හොති "ඉධ සුපං දෙථ ඉධ ඔදනං දෙථා"ති. තෙහි භික්ඛුහි සා භික්ඛුනී අපසාදෙනඛිඛා. අපසක්ක තාව හගිනි, යාව භික්ඛු භුඤ්ජන්ති. එකස්සපි චෙ භික්ඛුනො නප්පට්ඨාසෙය්‍ය තං භික්ඛුනිං අපසාදෙතං අපසක්ක තාව හගිනි, යාව භික්ඛු භුඤ්ජන්තී'ති. පට්ඨෙසෙතඛිඛං තෙහි භික්ඛුහි ගාරය්හං ආවුසො ධම්මං ආපජ්ජමිහා අසප්පායං පාට්ඨෙසනීයං තං පට්ඨෙසෙමි.¹⁵⁰
3. යානි ඛො පන තානි සෙඛසම්මතානි කුලානි, යො පන භික්ඛු තථාරූපෙසු සෙඛසම්මතෙසු කුලෙසු පුඛිඛෙ අනිමන්තිතො අගිලානො ඛාදනීයං වා භොජනීයං වා සහත්ථා පටිග්ගහෙත්වා ඛාදෙය්‍ය වා භුඤ්ජෙය්‍ය වා

¹⁴⁹ පාවිත්තිය පාළි පි. 466.

¹⁵⁰ පාවිත්තිය පාළි පි. 468.

පටිදෙසෙනබ්බං තෙන භික්ඛුනා: ගාරය්හං
 ආවුසො ධම්මං ආපජ්ජිං අසප්පායං
 පාටිදෙසනීයං තං පටිදෙසෙමි.¹⁵¹

4. යානි ඛො පන තානි ආරඤ්ඤකානි
 සෙනාසනානි සාසංක සම්මතානි
 සප්පට්ඨයානි, යො පන භික්ඛු තථාරූපෙසු
 සෙනාසෙනෙසු විහරන්තො පුබ්බෙ
 අප්පට්ඨසංවිදිතං බාදනීයං වා භොජනීයං වා
 අප්ඤ්ඤාමෙ සහන්ථා පටිග්ගහෙන්වා
 අගිලානො බාදෙය්හ වා භුඤ්ජෙය්හ වා
 පටිදෙසෙනබ්බං තෙන භික්ඛුනා: ගාරය්හං
 ආවුසො ධම්මං ආපජ්ජිං අසප්පායං
 පාටිදෙසනීයං තං පටිදෙසෙමි.¹⁵²

උද්දිට්ඨා ඛො ආයස්මන්තො චත්තාරො
 පාටිදෙසනීයා ධම්මා. තත්ථායස්මන්තෙ පුච්ඡාමි
 කච්චිත්ථ පරිසුද්ධා? දුතියමපි පුච්ඡාමි කච්චිත්ථ
 පරිසුද්ධා? තතියමපි පුච්ඡාමි කච්චිත්ථ පරිසුද්ධා?
 පරිසුද්ධෙත්ථායස්මන්තො තස්මා තුණ්හි ඵවමෙතං
 ධාරයාමි'ති.¹⁵³

පාටිදෙසනීයා නිට්ඨිතා.

සෙබ්බියා ධම්මා

ඉමෙ ඛො පනායස්මන්තො සෙබ්බියා ධම්මා
 උද්දෙසං ආගච්ඡන්ති.

1. පරිමණ්ඩලං නිවාසෙස්සාමි'ති සික්ඛා
 කරණීයා.¹⁵⁴

¹⁵¹ පාචිත්තිය පාළි පි. 476.

¹⁵² පාචිත්තිය පාළි පි. 482.

¹⁵³ පාචිත්තිය පාළි පි. 486.

¹⁵⁴ පාචිත්තිය පාළි පි. 488.

2. පරිමණ්ඩලං පාරුපිස්සාමී'ති සික්ඛා කරණීයා.¹⁵⁵
3. සුපට්ච්ඡන්තො අන්තරසරෙ ගමිස්සාමී'ති සික්ඛා කරණීයා.¹⁵⁶
4. සුපට්ච්ඡන්තො අන්තරසරෙ නිසීදිස්සාමී'ති සික්ඛා කරණීයා.¹⁵⁷
5. සුසංචුතො අන්තරසරෙ ගමිස්සාමී'ති සික්ඛා කරණීයා.¹⁵⁸
6. සුසංචුතො අන්තරසරෙ නිසීදිස්සාමී'ති සික්ඛා කරණීයා.¹⁵⁹
7. ඔක්ඛිත්තචක්ඛු අන්තරසරෙ ගමිස්සාමී'ති සික්ඛා කරණීයා.¹⁶⁰
8. ඔක්ඛිත්තචක්ඛු අන්තරසරෙ නිසීදිස්සාමී'ති සික්ඛා කරණීයා.¹⁶¹
9. න උක්ඛිත්තකාය අන්තරසරෙ ගමිස්සාමී'ති සික්ඛා කරණීයා.¹⁶²
10. න උක්ඛිත්තකාය අන්තරසරෙ නිසීදිස්සාමී'ති සික්ඛා කරණීයා.¹⁶³

පරිමණ්ඩල වග්ගො පට්ඨමො.

¹⁵⁵ පාචිත්තිය පාළි පි. 490.

¹⁵⁶ පාචිත්තිය පාළි පි. 490.

¹⁵⁷ පාචිත්තිය පාළි පි. 490.

¹⁵⁸ පාචිත්තිය පාළි පි. 492.

¹⁵⁹ පාචිත්තිය පාළි පි. 492.

¹⁶⁰ පාචිත්තිය පාළි පි. 492.

¹⁶¹ පාචිත්තිය පාළි පි. 494.

¹⁶² පාචිත්තිය පාළි පි. 494.

¹⁶³ පාචිත්තිය පාළි පි. 494.

11. න උප්පග්ගිකාය අන්තර්ගත ගමිස්සාමි'ති සික්ඛා කරණියා.¹⁶⁴
12. න උප්පග්ගිකාය අන්තර්ගත නිසීදිස්සාමි'ති සික්ඛා කරණියා.¹⁶⁵
13. අප්පසද්දො අන්තර්ගත ගමිස්සාමි'ති සික්ඛා කරණියා.¹⁶⁶
14. අප්පසද්දො අන්තර්ගත නිසීදිස්සාමි'ති සික්ඛා කරණියා.¹⁶⁷
15. න කායප්පවාලකං අන්තර්ගත ගමිස්සාමි'ති සික්ඛා කරණියා.¹⁶⁸
16. න කායප්පවාලකං අන්තර්ගත නිසීදිස්සාමි'ති සික්ඛා කරණියා.¹⁶⁹
17. න බාහුප්පවාලකං අන්තර්ගත ගමිස්සාමි'ති සික්ඛා කරණියා.¹⁷⁰
18. න බාහුප්පවාලකං අන්තර්ගත නිසීදිස්සාමි'ති සික්ඛා කරණියා.¹⁷¹
19. න සීසප්පවාලකං අන්තර්ගත ගමිස්සාමි'ති සික්ඛා කරණියා.¹⁷²

¹⁶⁴ පාචිත්තිය පාළි පි. 496.

¹⁶⁵ පාචිත්තිය පාළි පි. 496.

¹⁶⁶ පාචිත්තිය පාළි පි. 496.

¹⁶⁷ පාචිත්තිය පාළි පි. 498.

¹⁶⁸ පාචිත්තිය පාළි පි. 498.

¹⁶⁹ පාචිත්තිය පාළි පි. 498.

¹⁷⁰ පාචිත්තිය පාළි පි. 500.

¹⁷¹ පාචිත්තිය පාළි පි. 500.

¹⁷² පාචිත්තිය පාළි පි. 500.

20. න සීසප්පවාලකං අන්තරසරෙ නිසිදිස්සාමි'ති
සික්ඛා කරණියා.¹⁷³

උප්ප්භ්සික වග්ගො දුතියො.

21. න ඛම්භකතො අන්තරසරෙ ගමිස්සාමි'ති
සික්ඛා කරණියා.¹⁷⁴

22. න ඛම්භකතො අන්තරසරෙ නිසිදිස්සාමි'ති
සික්ඛා කරණියා.¹⁷⁵

23. න ඔගුණ්ඨිතො අන්තරසරෙ ගමිස්සාමි'ති
සික්ඛා කරණියා.¹⁷⁶

24. න ඔගුණ්ඨිතො අන්තරසරෙ නිසිදිස්සාමි'ති
සික්ඛා කරණියා.¹⁷⁷

25. න උක්කුටිකාය අන්තරසරෙ ගමිස්සාමි'ති
සික්ඛා කරණියා.¹⁷⁸

26. න පල්ලන්ථිකාය අන්තරසරෙ නිසිදිස්සාමි'ති
සික්ඛා කරණියා.¹⁷⁹

27. සක්කච්චං පිණ්ඩපාතං පටිග්ගහෙස්සාමි'ති
සික්ඛා කරණියා.¹⁸⁰

28. පත්තසඤ්ඤී පිණ්ඩපාතං පටිග්ගහෙස්සාමි'ති
සික්ඛා කරණියා.¹⁸¹

¹⁷³ පාචිත්තිය පාළි පි. 502.

¹⁷⁴ පාචිත්තිය පාළි පි. 504.

¹⁷⁵ පාචිත්තිය පාළි පි. 504.

¹⁷⁶ පාචිත්තිය පාළි පි. 504.

¹⁷⁷ පාචිත්තිය පාළි පි. 506.

¹⁷⁸ පාචිත්තිය පාළි පි. 506.

¹⁷⁹ පාචිත්තිය පාළි පි. 506.

¹⁸⁰ පාචිත්තිය පාළි පි. 508.

¹⁸¹ පාචිත්තිය පාළි පි. 508.

29. සමසුපකං පිණ්ඩපාතං පටිග්ගහෙස්සාමී'ති සික්ඛා කරණියා.¹⁸²

30. සමතිත්තිකං පිණ්ඩපාතං පටිග්ගහෙස්සාමී'ති සික්ඛා කරණියා.¹⁸³

ඛම්භකත වග්ගො තතියො.

31. සක්කච්චං පිණ්ඩපාතං භුඤ්ජ්ජ්සාමී'ති සික්ඛා කරණියා.¹⁸⁴

32. පත්තසඤ්ඤී පිණ්ඩපාතං භුඤ්ජ්ජ්සාමී'ති සික්ඛා කරණියා.¹⁸⁵

33. සපදානං පිණ්ඩපාතං භුඤ්ජ්ජ්සාමී'ති සික්ඛා කරණියා.¹⁸⁶

34. සමසුපකං පිණ්ඩපාතං භුඤ්ජ්ජ්සාමී'ති සික්ඛා කරණියා.¹⁸⁷

35. න ථුපතො ඔමද්දිත්වා පිණ්ඩපාතං භුඤ්ජ්ජ්සාමී'ති සික්ඛා කරණියා.¹⁸⁸

36. න සුපං වා බ්බසද්දනං වා ඔදනෙන පටිච්ඡාදෙස්සාමී හීයොකමානං උපාදායාති සික්ඛා කරණියා.¹⁸⁹

¹⁸² පාවිත්තිය පාළි පි. 508.

¹⁸³ පාවිත්තිය පාළි පි. 510.

¹⁸⁴ පාවිත්තිය පාළි පි. 512.

¹⁸⁵ පාවිත්තිය පාළි පි. 512.

¹⁸⁶ පාවිත්තිය පාළි පි. 512.

¹⁸⁷ පාවිත්තිය පාළි පි. 514.

¹⁸⁸ පාවිත්තිය පාළි පි. 514.

¹⁸⁹ පාවිත්තිය පාළි පි. 514.

37. න සුපං වා ඔදනං වා අභිලානො අත්තනො
අත්ථාය විඤ්ඤාපෙත්වා භුඤ්ජස්සාමි'ති සික්ඛා
කරණීයා.¹⁹⁰

38. න උජ්ඣානසඤ්ඤී පරෙසං පත්තං
ඔලොකෙස්සාමි'ති සික්ඛා කරණීයා.¹⁹¹

39. නාතිමහත්තං කබලං කරස්සාමි'ති සික්ඛා
කරණීයා.¹⁹²

40. පරිමණ්ඩලං ආලොපං කරස්සාමි'ති සික්ඛා
කරණීයා.¹⁹³

සක්කච්ච වග්ගො චතුත්ථො.

41. න අනාහටෙ කබලෙ මුඛද්වාරං විචරිස්සාමි'ති
සික්ඛා කරණීයා.¹⁹⁴

42. න භුඤ්ජමානො සබ්බං හත්ථං මුඛෙ
පක්ඛිපිස්සාමි'ති සික්ඛා කරණීයා.¹⁹⁵

43. න සකබලෙන මුඛෙන ඛ්‍යාහරිස්සාමි'ති සික්ඛා
කරණීයා.¹⁹⁶

44. න පිණ්ඩුක්ඛෙපකං භුඤ්ජස්සාමි'ති සික්ඛා
කරණීයා.¹⁹⁷

¹⁹⁰ පාචිත්තිය පාළි පි. 516.

¹⁹¹ පාචිත්තිය පාළි පි. 518.

¹⁹² පාචිත්තිය පාළි පි. 518.

¹⁹³ පාචිත්තිය පාළි පි. 520.

¹⁹⁴ පාචිත්තිය පාළි පි. 522.

¹⁹⁵ පාචිත්තිය පාළි පි. 522.

¹⁹⁶ පාචිත්තිය පාළි පි. 522.

¹⁹⁷ පාචිත්තිය පාළි පි. 524.

45. න කබලාවච්ඡෙදකං භුඤ්ජ්ජ්ජාමී'ති සික්ඛා
කරණීයා.¹⁹⁸

46. න අවගණ්ඨකාරකං භුඤ්ජ්ජ්ජාමී'ති සික්ඛා
කරණීයා.¹⁹⁹

47. න හත්ථනිද්ධුනකං භුඤ්ජ්ජ්ජාමී'ති සික්ඛා
කරණීයා.²⁰⁰

48. න සිත්ථාවකාරකං භුඤ්ජ්ජ්ජාමී'ති සික්ඛා
කරණීයා.²⁰¹

49. න ජීවහානිච්ඡාරකං භුඤ්ජ්ජ්ජාමී'ති සික්ඛා
කරණීයා.²⁰²

50. න චජුචජුකාරකං භුඤ්ජ්ජ්ජාමී'ති සික්ඛා
කරණීයා.²⁰³

කබල වග්ගො පඤ්චමො.

51. න සුරුසුරුකාරකං භුඤ්ජ්ජ්ජාමී'ති සික්ඛා
කරණීයා.²⁰⁴

52. න හත්ථනිල්ලෙහකං භුඤ්ජ්ජ්ජාමී'ති සික්ඛා
කරණීයා.²⁰⁵

53. න පත්තනිල්ලෙහකං භුඤ්ජ්ජ්ජාමී'ති සික්ඛා
කරණීයා.²⁰⁶

¹⁹⁸ පාචිත්තිය පාළි පි. 524.

¹⁹⁹ පාචිත්තිය පාළි පි. 524.

²⁰⁰ පාචිත්තිය පාළි පි. 526.

²⁰¹ පාචිත්තිය පාළි පි. 526.

²⁰² පාචිත්තිය පාළි පි. 526.

²⁰³ පාචිත්තිය පාළි පි. 528.

²⁰⁴ පාචිත්තිය පාළි පි. 530.

²⁰⁵ පාචිත්තිය පාළි පි. 530.

²⁰⁶ පාචිත්තිය පාළි පි. 532.

54. න ඔට්ටනිල්ලෙහකං භුඤ්ජස්සාමී'ති සික්ඛා කරණියා.²⁰⁷

55. න සාමිසෙන හත්ථෙන පානියථාලකං පටිග්ගහෙස්සාමී'ති සික්ඛා කරණියා.²⁰⁸

56. න සසිත්ථකං පත්තධොවනං අත්තරසරෙ ඡඩ්ඛෙස්සාමී'ති සික්ඛා කරණියා.²⁰⁹

57. න ඡත්තපාණිස්ස අභිලානස්ස ධම්මං දෙසෙස්සාමී'ති සික්ඛා කරණියා.²¹⁰

58. න දුණ්ඛපාණිස්ස අභිලානස්ස ධම්මං දෙසිස්සාමී'ති සික්ඛා කරණියා.²¹¹

59. න සත්ථපාණිස්ස අභිලානස්ස ධම්මං දෙසිස්සාමී'ති සික්ඛා කරණියා.²¹²

60. න ආයුධපාණිස්ස අභිලානස්ස ධම්මං දෙසිස්සාමී'ති සික්ඛා කරණියා.²¹³

සුරුසුරු වග්ගො ඡට්ඨො.

61. න පාදුකාරුල්හස්ස අභිලානස්ස ධම්මං දෙසිස්සාමී'ති සික්ඛා කරණියා.²¹⁴

62. න උපාහනාරුල්හස්ස අභිලානස්ස ධම්මං දෙසිස්සාමී'ති සික්ඛා කරණියා.²¹⁵

²⁰⁷ පාවිත්තිය පාළි පි. 532.

²⁰⁸ පාවිත්තිය පාළි පි. 534.

²⁰⁹ පාවිත්තිය පාළි පි. 536.

²¹⁰ පාවිත්තිය පාළි පි. 538.

²¹¹ පාවිත්තිය පාළි පි. 538.

²¹² පාවිත්තිය පාළි පි. 540.

²¹³ පාවිත්තිය පාළි පි. 540.

²¹⁴ පාවිත්තිය පාළි පි. 542.

²¹⁵ පාවිත්තිය පාළි පි. 542.

63. න යානගතස්ස අභිලානස්ස ධම්මං දෙසිස්සාමි'ති සික්ඛා කරණියා.²¹⁶
64. න සයනගතස්ස අභිලානස්ස ධම්මං දෙසිස්සාමි'ති සික්ඛා කරණියා.²¹⁷
65. න පල්ලන්ථිකාය නිසින්තස්ස අභිලානස්ස ධම්මං දෙසිස්සාමි'ති සික්ඛා කරණියා.²¹⁸
66. න වෙධිතසීසස්ස අභිලානස්ස ධම්මං දෙසිස්සාමි'ති සික්ඛා කරණියා.²¹⁹
67. න ඔගුණධීතසීසස්ස අභිලානස්ස ධම්මං දෙසිස්සාමි'ති සික්ඛා කරණියා.²²⁰
68. න ඡමාය නිසිදිත්වා ආසනෙ නිසින්තස්ස අභිලානස්ස ධම්මං දෙසිස්සාමි'ති සික්ඛා කරණියා.²²¹
69. න නිච්චෙ ආසනෙ නිසිදිත්වා උච්චෙ ආසනෙ නිසින්තස්ස අභිලානස්ස ධම්මං දෙසිස්සාමි'ති සික්ඛා කරණියා.²²²
70. න ධීතො නිසින්තස්ස අභිලානස්ස ධම්මං දෙසිස්සාමි'ති සික්ඛා කරණියා.²²³

²¹⁶ පාවිත්තිය පාළි පි. 542.

²¹⁷ පාවිත්තිය පාළි පි. 544.

²¹⁸ පාවිත්තිය පාළි පි. 544.

²¹⁹ පාවිත්තිය පාළි පි. 544.

²²⁰ පාවිත්තිය පාළි පි. 546.

²²¹ පාවිත්තිය පාළි පි. 546.

²²² පාවිත්තිය පාළි පි. 548.

²²³ පාවිත්තිය පාළි පි. 550.

71. න පවිෂ්ණො ගවිෂන්තො පුරතො ගවිෂන්තස්ස අගිලානස්ස ධම්මං දෙසිස්සාමී'ති සික්ඛා කරණියා.²²⁴

72. න උප්පථෙන ගවිෂන්තො පථෙන ගවිෂන්තස්ස අගිලානස්ස ධම්මං දෙසිස්සාමී'ති සික්ඛා කරණියා.²²⁵

73. න ධීතො අගිලානො උච්චාරං වා පස්සාවං වා කරස්සාමී'ති සික්ඛා කරණියා.²²⁶

74. න හරිතෙ අගිලානො උච්චාරං වා පස්සාවං වා ඛෙළං වා කරස්සාමී'ති සික්ඛා කරණියා.²²⁷

75. න උදකෙ අගිලානෙ උච්චාරං වා පස්සාවං වා ඛෙළං වා කරස්සාමී'ති සික්ඛා කරණියා.²²⁸

පාදුකා වග්ගො සත්තමො.

උද්දිට්ඨා ඛො ආයස්මන්තො සෙඛියා ධම්මා. තත්ථායස්මන්තෙ පුච්ඡාමි කච්චිත්ථ පරිසුද්ධා? දුතියම්පි පුච්ඡාමි කච්චිත්ථ පරිසුද්ධා? තතියම්පි පුච්ඡාමි කච්චිත්ථ පරිසුද්ධා? පරිසුද්ධෙත්ථායස්මන්තො තස්මා තුණ්හී ඵචමෙතං ධාරයාමී'ති.²²⁹

සෙඛියා ධම්මා නිව්ඨිතා.

²²⁴ පාචිත්තිය පාළි පි. 550.
²²⁵ පාචිත්තිය පාළි පි. 550.
²²⁶ පාචිත්තිය පාළි පි. 552.
²²⁷ පාචිත්තිය පාළි පි. 552.
²²⁸ පාචිත්තිය පාළි පි. 554.
²²⁹ පාචිත්තිය පාළි පි. 556.

සත්ත අධිකරණසමථා ධම්මා.

ඉමෙ ඛො පනායස්මන්තො සත්ත අධිකරණසමථා ධම්මා උද්දෙසං ආගච්ඡන්ති.

උප්පන්නුප්පන්නානං අධිකරණානං සමථාය
චූපසමාය 1. සම්මුඛාවිනයො දාතඛ්ඛො. 2.
සතිවිනයො දාතඛ්ඛො. 3. අමුල්භවිනයො
දාතඛ්ඛො. 4. පටිඤ්ඤාය කාරෙතඛ්ඛං.
5. යෙගුය්‍යසිකා. 6. තස්සපාපිය්‍යසිකා.
7. තිණුවත්ථාරකොති.²³⁰

උද්දිට්ඨා ඛො ආයස්මන්තො සත්ත
අධිකරණසමථා ධම්මා. තත්ථායස්මන්තෙ පුච්ඡාමි
කච්චිත්ථ පරිසුද්ධා? දුතියමපි පුච්ඡාමි කච්චිත්ථ
පරිසුද්ධා? තතියමපි පුච්ඡාමි කච්චිත්ථ පරිසුද්ධා?
පරිසුද්ධෙත්ථායස්මන්තො තස්මා තුණ්හී ඵවමෙතං
ධාරයාමීති.²³¹

අධිකරණසමථා නිට්ඨිතා.

උද්දිට්ඨං ඛො ආයස්මන්තො නිදානං, උද්දිට්ඨා
චත්තාරො පාරාජිකා ධම්මා. උද්දිට්ඨා තෙරස
සංඝාදිසෙසා ධම්මා. උද්දිට්ඨා ද්වෙ අනියතා
ධම්මා. උද්දිට්ඨා තිංස නිස්සග්ගියා පාවිත්තියා
ධම්මා. උද්දිට්ඨා ද්වෙ නචුති පාවිත්තියා ධම්මා.
උද්දිට්ඨා චත්තාරො පාරිදෙසනීයා ධම්මා. උද්දිට්ඨා
සෙඛියා ධම්මා. උද්දිට්ඨා සත්ත අධිකරණසමථා
ධම්මා. ඵත්තකං තස්ස භගවතො සුත්තාගතං

²³⁰ පාවිත්තිය පාළි පි. 558.

²³¹ පාවිත්තිය පාළි පි. 558.

සුත්තපරියාපන්නං අන්වද්ධමාසං උද්දෙසං
ආගච්ඡති, තත්ථ සබ්බෙහෙව සමග්ගෙහි
සම්මොදමානෙහි අවිචදමානෙහි සික්ඛිතබ්බන්ති.²³²

හික්ඛුපාතිමොක්ඛං නිට්ඨිතං.

පාමොක් දෙසා අවසානයේ මෙත්ත සුත්ත (කරුණීය මෙත්ත සුත්ත)
කියා දෙවියන්ට පිං දීමෙන් නිම කළ යුතුය.

²³² පාවිච්ඡිය පාළි පි. 558.

උපග්‍රන්ථය

වස්විසීම

ඇසළ මස පුර පසළොස්වක දින පොහොය කොට පෙරවස් එළඹීම සිදුකළ යුතුය.

වස් එළඹීමේ දී භාවිත කරණ කර්ම වාක්‍යය.

ඉමස්මිං විහාරෙ ඉමං තෙමසං වස්සං උපෙමි. ඉධ වස්සං උපෙමි.

ඉමස්මිං විහාරෙ ඉමං තෙමසං වස්සං උපෙමි. ඉධ වස්සං උපෙමි.

ඉමස්මිං විහාරෙ ඉමං තෙමසං වස්සං උපෙමි. ඉධ වස්සං උපෙමි.

තුන් මසක් ගෙවුණු පසු වස් පවාරණය සිදුකළ යුතුය. පෝය ගෙට පැමිණ ඇවැත් දෙසා තෙරුවන් නැමැද තෙවාවික පවාරණය කළ යුතුය. ප්‍රථමයෙන් සංඝස්ථවීරයන් වහන්සේ මෙසේ කිය යුතුය.

සංඝං ආවුසො පචාරෙමි, දිට්ඨේන වා සුතෙන වා පරිසංකාය වා වදන්තු මං ආයස්මන්තො අනුකම්පං උපාදාය පස්සන්තො පටිකරිස්සාමි. දුතියම්පි ආවුසො සංඝං පචාරෙමි, දිට්ඨේන වා සුතෙන වා පරිසංකාය වා වදන්තු මං ආයස්මන්තො අනුකම්පං උපාදාය පස්සන්තො පටිකරිස්සාමි. තතියම්පි ආවුසො සංඝං පචාරෙමි, දිට්ඨේන වා සුතෙන වා පරිසංකාය වා වදන්තු මං ආයස්මන්තො අනුකම්පං උපාදාය පස්සන්තො පටිකරිස්සාමි.

වස්වලින් අඩු හික්ෂුන් වස් පිළිවෙළින් මෙසේ පවාරණය කළ යුතුය.

සංඝං භන්තෙ පචාරෙමි, දිට්ඨේන වා සුතෙන වා පරිසංකාය වා වදන්තු මං ආයස්මන්තො අනුකම්පං උපාදාය පස්සන්තො පටිකරිස්සාමි. දුතියම්පි භන්තෙ සංඝං පචාරෙමි, දිට්ඨේන වා සුතෙන වා පරිසංකාය වා වදන්තු මං ආයස්මන්තො අනුකම්පං උපාදාය පස්සන්තො පටිකරිස්සාමි. තතියම්පි භන්තෙ සංඝං

පවාරෙමි, දිටියෙන වා සුතෙන වා පරිසංකාය වා වදන්තු
මං ආයස්මන්තො අනුකම්පං උපාදාය පස්සන්තො
පටිකරිස්සාමි.

කඨින වස්ත්‍රයක් හෝ වීචරයක් සඟසතු කොට පූජා කිරීමෙන් පසු
එම ආරාමයේ වස්විසු හික්ෂුවට එය ප්‍රදානය කළ යුතුයි. ඒ සඳහා
භාවිත කරන කර්ම වාක්‍යය මෙසේය.

නමොතස්ස හගවතො අරහතො සම්මා සම්බුද්ධස්ස.
නමොතස්ස හගවතො අරහතො සම්මා සම්බුද්ධස්ස.
නමොතස්ස හගවතො අරහතො සම්මා සම්බුද්ධස්ස.

සුඤ්ඤානු මෙ හන්තෙ! සංඝො, ඉදං සංඝස්ස කඨිනදුස්සං /
කඨිනචීවරං උප්පන්නං, යදි සංඝස්ස පත්තකල්ලං, සංඝො
ඉමං කඨිනදුස්සං / කඨිනචීවරං (කඨිනය ලබන
හික්ෂුවගේ නම යොදන්න.) හික්ඛුනො දදෙය්‍ය කඨිනං
අත්ථරිතුං, එසා ඤත්ති.

සුඤ්ඤානු මෙ හන්තෙ! සංඝො, ඉදං සංඝස්ස කඨිනදුස්සං /
කඨිනචීවරං උප්පන්නං, සංඝො ඉමං කඨිනදුස්සං /
කඨිනචීවරං (කඨිනය ලබන හික්ෂුවගේ නම යොදන්න.)
හික්ඛුනො දෙති කඨිනං අත්ථරිතුං, යස්සායස්මතො ඛමති
ඉමස්ස කඨිනදුස්සස්ස / කඨිනචීවරස්ස
(කඨිනය ලබන හික්ෂුවගේ නම යොදන්න.) හික්ඛුනො දානං
කඨිනං අත්ථරිතුං, සො තුණ්හස්ස, යස්ස නක්ඛමති සො
භාසෙය්‍ය.

(කඨිනය ලබන හික්ෂුවගේ අතට කඨිනය ප්‍රදානය කොට පහත
සඳහන් කොටස කිය යුතුයි.)

දින්නං ඉදං සංඝෙන කඨිනදුස්සං / කඨිනචීවරං
(කඨිනය ලබන හික්ෂුවගේ නම යොදන්න.) හික්ඛුනො කඨිනං
අත්ථරිතුං, ඛමති සංඝස්ස, තස්මා තුණ්හී එවමෙතං
ධාරයාමි.

එම කඨිනය ලැබූ හික්ෂුව එහි කප් බිත්දු තබා පරණ
සංඝාටිය/උත්තර සංඝය පව්වුද්ධරණය කොට අලුත්
සංඝාටිය/උත්තර සංඝය අධිට්ඨාන කළ යුතුය.

ඉමං කප්ප ඛිත්ථං කරොමි. ඉමං කප්ප ඛිත්ථං කරොමි. ඉමං කප්ප ඛිත්ථං කරොමි.

ඉමං උත්තරා සංඝං පච්චුද්ධරාමි

ඉමං උත්තරා සංඝං අධිට්ඨාමි.

එකම විහාරස්ථානයේ එක නමකට වැඩිය වස් එළඹුනේ නම් කඨිනත්ථාරය සෙසු අයට අනුමෝදන් කළ යුතුයි ඒ අය අනුමෝදන් විය යුතුය. ඒ මෙසේය.

(කඨිනය ලැබූ භික්ෂුව) අත්ථතං ආවුසො/හන්තෙ සංඝස්ස කඨිනං ධම්මිකො කඨිනත්ථාරො අනුමොදාම.

(සෙසු අය) අත්ථතං ආවුසො/හන්තෙ සංඝස්ස කඨිනං ධම්මිකො කඨිනත්ථාරො අනුමොදාමි/අනුමොදාම.

(වැඩි විස්තර සඳහා: 'සමන්තපාසාදිකා' පි. 663 සිට, 'චිනය කම් පොත' - රේරුකානේ වන්දවිමල ස්ථවිර. සහ 'කම්ම වාචා' - පුඤ්ඤවත්ථුගාමජානෙන සොමානන්දන්ථෙරෙන යන පොත් බලන්න.)

මෙය ධර්මදානය පිණිසයි.

DEDICATION OF MERIT

May the merit and virtue
accrued from this work
adorn Amitabha Buddha's Pure Land,
repay the four great kindnesses above,
and relieve the suffering of
those on the three paths below.
May those who see or hear of these efforts
generate Bodhi-mind,
spend their lives devoted to the Buddha Dharma,
and finally be reborn together in
the Land of Ultimate Bliss.
Homage to Amita Buddha!

NAMO AMITABHA

南無阿彌陀佛

【斯里蘭卡文：南傳比丘戒本（誦戒用）】

財團法人佛陀教育基金會 印贈

台北市杭州南路一段五十五號十一樓

Printed and donated for free distribution by
The Corporate Body of the Buddha Educational Foundation
11F., 55 Hang Chow South Road Sec 1, Taipei, Taiwan, R.O.C.

Tel: 886-2-23951198 , Fax: 886-2-23913415

Email: overseas@budaedu.org

Website: <http://www.budaedu.org>

This book is strictly for free distribution, it is not for sale.

නොමිලයේ බෙදාදීම පිණිසයි.

Printed in Taiwan
6,000 copies; September 2014
SR064-12624



